

四庫全書薈要·乾隆御覽本

經部

欽定四庫全書蒼會要

經部

禮記注疏卷四十四



臣紀昀詳校

詳校官編修臣程嘉謨

禮記注疏卷四十四

漢鄭氏注 唐陸德明音義 孔穎達疏

喪大記

疾病外內皆埽注為賓客將來問病也疾困曰病音義

埽悉報反為于偽反下疏正義曰外內皆埽者為賓客
為其為賓為主入皆同疏來問病者以尋常每日皆埽
案內則云鷄初鳴咸盥漱洒埽室堂者此是平生無事
時每日恒埽今既疾病不應更有華飾故知埽者為賓
客來也注正義曰案既夕禮云有疾病者齊及云疾病
內外皆埽是疾困曰病此對文耳散則通也檀弓云孔

子寢疾七日而沒是也

君大夫徹縣士去琴瑟注聲音動人病者欲靜也凡樂

罷天子宫縣諸侯軒縣大夫判縣士特縣去琴瑟者不

命之士音義

縣音玄注同去起呂反注及下同

寢東首於北牖下注謂

君來視之時也病者恒居北牖下或為北牖下音義

首手

又反下注南首同牖音酉舊音容下注牖下放此牖音容

廢牀徹褻衣加新衣體一

人注廢去也人始生在地去牀底其生氣反徹褻衣則

所加者新朝服矣互言之也加朝服者明其終於正也

體手足也四人持之為其不能自屈伸也音義

牀仕良反本或

作床字藜息列反新朝直還反後朝服皆同

男女改服注為賓客來問病亦

朝服也庶人深衣屬纊以俟絕氣注纊今之新綿易動

搖置口鼻之上以為候音義

屬音燭纊音曠一音古曠反易以豉反

男子

不死於婦人之手婦人不死於男子之手注君子重終

為其相褻疏

正義曰此明君及大夫等疾困去樂之事君謂諸侯也及大夫等徹縣知不包天子

者以此篇所記皆據諸侯以下也注正義曰案周禮小胥王宮縣諸侯軒縣卿大夫判縣士特縣鄭云宮縣四面象宮室軒縣去其一而判縣又去其一而特縣又去其一而縣於東方或於階間而已又云凡縣鐘磬半為

堵全為肆鄭云諸侯之士大夫半天子之大夫西縣鐘東縣磬士亦半天子之士縣磬而已案典命子男之卿再命其大夫壹命其士不命此云不命之士謂子男之士知謂君來視之時也者案論語鄉黨云疾君視之東首加朝服此云東首故知是君來視之時也以東方生長故東首鄉生氣云病者恒居北牖下者士喪下篇云東首於北牖下是恒在北牖下也若君不視之時則不恒東首隨病者所宜此熊氏所說也今謂病者雖恒在北牖下若君來視之時則暫時移嚮南牖下東首令君得南面而視之人始生在地去牀庶其生氣反者釋所以病因而除牀取地義也人初生時在地今病因而反在地冀生氣還反得活如初生時也云徹褻衣則所加者新朝服矣互言之也者上云徹褻衣則知所加者正也下云加新衣則知所徹者褻衣故云互也朝服玄衣素裳也云加朝服者明其終於正也者解所以加朝服義也明君子雖卒必以正自處也案既夕禮云養者皆齊

案文王世子云則世子親齊玄而養至病困易之以朝服故檀弓云親始死羔裘玄冠者易之而已易羔裘玄冠即朝服也

君夫人卒於路寢大夫世婦卒於適寢內子未命則死於下室遷尸于寢士之妻皆死于寢注言死者必皆於正處也寢室通耳其尊者所不燕焉君謂之路寢大夫謂之適寢士或謂之適室此變命婦言世婦者明尊卑同也世婦以君下寢之上為適寢內子卿之妻也下室

其燕處也音義

適丁歷反注同處昌慮反下同

疏

正義曰此一經明貴賤死寢不同也君謂

諸侯也諸侯三寢一正者曰路寢餘二曰小寢卒歸於正故在路寢也夫人亦有三寢一正二小亦卒正者也大夫世婦卒於適寢者適寢猶今聽事處也其制異諸侯也大夫死適寢其妻亦死適寢也大夫妻曰命婦而云世婦世婦是諸侯之次婦今既明諸侯世婦尊與命婦敵故互言見義今命婦死於正寢則世婦死女君次寢之上也內子未命則死於下室遷尸於寢者內子鄉妻也若未為夫人所命則初死在下室至小斂後遷尸乃復還其正寢也士之妻皆死於寢者亦各死其正室也夫妻俱然故云皆也注正義曰寢室通耳者案士喪禮云死于適室比云卒於適寢是寢室通也云其尊者所不燕焉者謂尊嚴之處不就而燕息焉云君謂之路寢大夫謂之適寢士或謂之適室者此云士死于寢士喪禮云死于適室故云或也云世婦以君下寢之上為適寢者皇氏云君謂女君而世婦以夫人下寢之上為適寢熊氏云諸侯夫人大夫妻及士之妻卒皆於夫之

正寢解此世婦以君下寢之上為適寢者夫人卒於君之正寢世婦卒於君之下寢之上者與皇氏異雖卒夫寢皆婦人供視之是亦婦人不死男子之手也案服虔注左傳義與皇氏同夫人之卒在於夫人路寢此對路寢為小寢故僖八年夫人不薨于寢則不殯於廟服虔注云寢謂小寢也皇氏熊氏其說各異未知孰是故兩存焉知死正寢者案春秋成公薨於路寢道也僖公薨于小寢譏即安謂夫人寢也隱公薨不書地失其所文公薨于臺下襄公薨于楚宮定公薨于高寢皆非禮也案莊公三十二年公羊傳何休注云天子諸侯皆有三寢一曰高寢二曰路寢三曰小寢孫從王父之寢案周禮掌王之六寢之脩何休云天子三寢與周禮違不可用

復有林麓則虞人設階無林麓則狄人設階注復招魂

復魄也階所乘以升屋者虞人主林麓之官也狄人樂

吏之賤者階梯也箕虞之類音義

麓音鹿梯他兮反
箕恤尹反虞音臣

疏

正義曰自此至復而後行死事明復是招魂之禮也復有林麓則虞人設階者復謂升屋招魂其死者所封內若有林麓則所主林麓虞人設階梯而升屋無林麓則狄人設階者謂官職卑小不合有林麓無虞人可使狄人是家之樂吏之賤者掌設箕虞箕虞階梯之類故狄人設階也

小臣復復者朝服君以卷夫人以屈狄大夫以玄纁世

婦以禮衣士以爵弁士妻以稅衣皆升自東榮中屋履

危北面三號卷衣投於前司服受之降自西北榮注小

臣君之近臣也朝服而復所以事君之衣也用朝服而復之者敬也復用死者之祭服以其求於神也君以卷謂上公也夫人以屈狄互言耳上公以袞則夫人用褱衣而侯伯以鷩其夫人用揄狄子男以毳其夫人乃用屈狄矣黼赤也玄衣赤裳所謂卿大夫自玄冕而下之服也其世婦亦以禮衣榮屋翼升東榮者謂卿大夫士也天子諸侯言東雷危棟上也號若云率某復也司服以篋待衣於堂前音義

卷本又作袞同古本反注同屈音闕注同黼赤貞反禮知彥反

稅他亂反榮如字屈翼也劉昌宗音營號戶高反注同
卷俱勉反徐紀阮反禕音輝驚必列反揄音遙彘昌銳

反雷力又反
篋若牒反

其為賓則公館復私館不復其在野則升

其乘車之左轂而復注私館卿大夫之家也不於之復

為主人之惡音義

乘繩證反轂工木反惡烏路反

疏正義曰此一節明復時所用之衣及

招魂升降之節小臣復復者朝服者此明諸侯小臣君
之近臣與君為招魂復魄既是君之親近與君所為招
魂之時冀君魂神來依之則大夫士以下皆用近臣也
所復之人皆著朝服奉事君之魂神故朝服君以卷者
謂上公以衮冕而下大夫以玄纁者玄纁也言大夫招魂用玄冕
屈狄而下大夫以玄纁者玄纁也言大夫招魂用玄冕
玄衣纁裳故云玄纁也世婦以禮衣者世婦大夫妻也
其上服唯禮衣故用招魂也言世婦者亦見君之世婦

服與大夫妻同也士以爵弁者士亦用助祭上服以招魂六冕則以衣名冠諸侯爵弁則以冠名衣今言爵弁者但用其衣不用其弁也士妻以稅衣者稅衣六衣之下也士妻得服之故死用以招魂也皆升自東榮者此復者初上屋時也榮屋翼也天子諸侯四注為屋而大夫以下不得四注但南北二注而為直頭頭即屋翼也復者升東翼而上也賀瑒云以其體下於屋故謂上下在屋兩頭似翼故名屋翼也中屋履危者中屋者當屋東西之中央履危者踐履屋棟上高危之處而復也北面三號者復者北面求陰之義也鬼神所嚮也三號號呼之聲三徧也必三者一號于上冀神在天而來也一號于下冀神在地而來也一號于中冀神在天地之間而來也號輒云率某復矣鄭注士喪禮云率長聲也卷衣投於前司服受之者三招既竟卷歛所復之衣從屋前投與司服之官司服以篋待衣于堂前也前謂陽生之道復是求生故云從生處來也然如雜記所言則應

每衣三號也降自西北榮者復者投衣畢而回往西北榮而下也初復是求生故升東榮而上求既不得不忍虛從所求不得之道還故自陰幽而下也不正西而西北者因取西北扉為便也必徹西北扉者亦用陰殺之所也故鄭注士喪禮云不由前降不以虛反也降因取西北扉若云此室凶不可居然也注正義曰君以卷謂上公也夫人以屈狄互言耳者男子舉上公婦人舉子男之妻男子舉上以見下婦人舉下以見上是互言也云升東榮者謂卿大夫士也者以鄉飲酒鄉射是大夫士之禮云設洗當東榮此東榮故知是卿大夫士禮今之兩下屋云天子諸侯言東雷者雷謂東西兩頭為屋簷雷下案燕禮云設洗當東雷人君殿屋四注燕禮是諸侯禮明天子亦然也

復衣不以衣尸不以歛注不以衣尸謂不以襲也復者

庶其生也若以其衣襲斂是用生施死於義相反士喪

禮云以衣衣尸浴而去之音義

衣尸於既反注衣尸同斂力驗反後不出者皆

同去起呂反

婦人復不以衽注衽嫁時上服而非事鬼神之

衣音義

衽而庶反婦人嫁時上服

凡復男子稱名婦人稱字注婦人

不以名行唯哭先復復而後行死事注氣絕則哭哭而

復復而不蘊可以為死事疏

正義曰復是求生若用復衣而襲斂是用生施死於

義為反故不得將衣襲尸及斂也婦人復不以衽者衽是嫁時上服乃是婦人之盛服而非是事神之衣故不用招魂也絳襜衣下曰衽凡復至稱字者自殷以上貴賤復同呼名周則天子稱天子諸侯稱某甫且字矣大

夫士稱名而婦人並稱字唯哭至死事者唯哭先復者氣絕而孝子即哭哭訖乃復故云唯哭先復也復而後行死事者復而猶望生若復而不生故得行於死事謂正尸於牀及浴襲之屬也

始卒主人啼兄弟哭婦人哭踊注悲哀有深淺也若嬰

兒中路失母能勿啼乎音義

啼大疏正義曰主人孝子兮反男子女子也親始

死孝子哀痛嗚咽不能哭如嬰兒失母故啼也兄弟哭者有聲曰哭兄弟情比主人為輕故哭有聲也婦人哭踊者婦人衆婦也宗婦亦啼衆婦人輕則哭也然婦人雀踊而此云踊者通自上諸侯並踊也

既正尸子坐于東方鄉大夫父兄子姓立于東方有司庶士哭于堂下北面夫人坐于西方內命婦姑姊妹子

姓立于西方外命婦率外宗哭于堂上北面注正尸者

謂遷尸牖下南首也子姓謂衆子孫也姓之言生也其

男子立于主人後女子立于夫人後世婦為內命婦鄉

大夫之妻為外命婦外宗姑姊妹之女疏

正義曰此經明人君初喪

子及夫人以下哭位也子坐于東方者子謂世子世子
等故坐于東方謂室內尸東故士喪禮云主人入坐于
牀東是也鄉大夫父兄子姓立于東方者案士喪禮衆
主人在其後又云親者在室鄭云諸大功以上依唯士
禮父兄子姓大功以上正立于室內東方今此經總云
鄉大夫父兄子姓立于東方以士禮言之當在室內但
諸侯以上位尊不可不正定世子之位故顧命康王之
入翼室恤定宗不宜與鄉大夫父兄子姓俱在室內也

卿大夫等或當在戶外之東方。遙繼主人之後。有司庶士哭于堂下北面者。以其卑。故在堂下北面。不云東方。稍近西。而當戶以堂下西方無婦人位。故也。案士喪禮云。小功以下。衆兄弟堂下北面。此經直云。有司庶士在堂下。則諸父兄弟等。雖小功以下。皆在堂上。西面也。夫人坐于西方者。亦近尸。故士喪禮云。婦人俠牀東面。但士禮畧。但言俠牀。人君則當以帷郭之也。內命婦。姑姊妹。子姓立于西方者。內命婦則子婦也。姑姊妹謂君姑姊妹也。子姓君女孫皆立于西方也。外命婦率外宗哭于堂上北面者。外命婦謂卿大夫妻。外宗謂姑姊妹之女。外命婦外宗等。疏于內命婦。故在戶外。婦人無堂下之位。故皆堂上北面。注正義曰。知正尸謂遷尸牖下南首也者。既夕禮云。設牀第當牖及遷尸是也。知南首者。案士喪禮將含之時。商祝入當牖北面。受貝奠于尸。西鄭注云。如商祝之事。位則尸南首明也。是也。云子姓謂衆子孫也者。謂子孫所生也。云其男子立于主人後。

女子立于夫人後者約士喪禮文或諸侯位尊男子等當立于戶外東方已具前說云世婦為內命婦卿大夫之妻為外命婦者前文云大夫世婦則世婦與大夫妻相敵此經云命婦與外命婦相當故知內命婦是世婦也案喪服傳云命婦者大夫之妻故云外命婦卿大夫妻又周禮命及於士則其妻亦為命婦故鄭注內宰云士妻亦為命婦士妻與女御相對俱祿衣則君之女御內命婦中兼之也云外宗姑姊妹之女者但姑姊妹必嫁于外族其女是異姓所生故稱外宗案周禮外宗外女之有爵者若其有爵則為外命婦此別云外宗容無爵者女之女亦是異姓所生而不云者則上文所謂子姓是也周禮有內宗內女之有爵者此不言者則前文姑姊妹是也但姑姊妹已嫁國中則為命婦別云姑姊妹者各在室女未嫁及嫁于他國或雖嫁國中從本親之位故別云姑姊妹也不云舅之女及從母之女者外宗中兼之略可知也

大夫之喪主人坐于東方主婦坐于西方其有命夫命婦則坐無則皆立注命夫命婦來哭者同宗父兄子姓姑姊妹子姓也凡此哭者尊者坐卑者立士之喪主人父兄子姓皆坐于東方主婦姑姊妹子姓皆坐于西方注士賤同宗尊卑皆坐凡哭尸于室者主人二手承衾

而哭注承衾哭者哀慕若欲攀援音義

攀本又作扳普班反一音班援

音爰徐疏正義曰此一經明大夫初有喪哭位之禮其于願反疏有命夫命婦則坐無則皆立者謂哭位之中有命夫命婦雖有卑于死者以其位尊故坐哭若其無命夫命婦雖尊于死者亦皆立哭注正義曰知命夫命

婦來哭者同宗父子姓姑姊妹子姓也者案左氏傳士踰月外姻至今大夫初喪正尸無容即有異姓故知是同宗之親來哭者知非異姓卿大夫來弔者以其與主人等並列哭位故知是為喪來哭者若有弔者當立哭不得坐也此大夫之喪不顯父兄子姓及姑姊妹哭位者約上文君喪及下文士喪略可知也云凡此哭者尊者坐卑者立皇氏云凡謂君與大夫其哭者若爵位尊者則坐故上文君喪子及夫人坐大夫之喪主人主婦命夫命婦皆坐是也君之喪卿大夫皆立大夫之喪非命夫命婦者皆立是也此云尊卑非謂對死者為尊卑也若其今所行之禮與古異也成服之後尊于死者則坐卑于死者則立也君與大夫位尊故坐者殊其貴賤士既位下故坐者等其尊卑無所異也

君之喪未小斂為寄公國賓出大夫之喪未小斂為君

命出士之喪於大夫不當斂則出注父母始死悲哀非

所尊不出也出者或至庭或至門國賓聘大夫不當斂

其來非斂時音義

為寄于偽反下皆同下注為母為其罷倦皆同

疏

正義曰此一經明君

大夫士等未小斂之前主人出迎賓之節士之喪於大夫不當斂則出者謂士之喪大夫來弔其主人於大夫來弔之時不當小斂之時則出迎大夫注正義曰云或至庭者謂世子迎寄公及國賓士出迎大夫士也皆至庭故下文云降自西階又云士于大夫親弔則與之哭不逆於門外是也云或至門者謂大夫於君命故下文云大夫于君命迎于寢門外是也以此言之則世子于天子之命士于君命亦皆然也云不當斂其來非斂時者上君與大夫云未小斂謂未斂之前去小斂遠也士云不當斂謂去小斂近大夫至于士小斂相偪也士於

大夫雖與小斂相偪不當斂之時尚為大夫出若未小斂之前為大夫出可知也案檀弓云大夫弔當事而至則辭焉注云辭猶告也擯者以主人有事告也主人無事則為大夫出彼亦謂小斂之事與此同斂訖大夫至即拜之故雜記云當袒大夫至絕踊而拜之反改成踊是也此但云斂不云襲者未襲之前唯士為君命出其餘則不出故士喪禮未襲之前君使人弔主人迎於寢門外見賓不哭先入門右北面是也君使退主人哭拜送于外門外於時賓有大夫則特拜之因送君使而拜之非謂特出迎賓也此云不當斂則出迎賓雜記云士喪當袒大夫至絕踊而拜之與此違者皇氏云若此當斂時不出若斂後而有大夫至則絕踊而拜之

凡主人之出也徒跣扱衽拊心降自西階君拜寄公國賓於位大夫於君命迎於寢門外使者升堂致命主人

拜于下士於大夫親弔則與之哭不逆於門外注拜寄

公國賓於位者於庭鄉其位而拜之此時寄公位在門

西國賓位在門東皆北面小斂之後寄公東面國賓門

西北面士於大夫親弔謂大夫身來弔士也與之哭既

拜之即位西階東面哭大夫特來則北面音義疏反投初

疏正義曰前經明出迎

洽反衽而審反又而鵠反裳際也拊音撫使色吏反鄉許諒反

疏賓遠近此經更辨拜

迎委曲之儀降自西階者不忍當主位降自西階君拜寄公國賓于位者寄公謂失位之君也國賓謂鄰國大

夫來聘者遇主國君之喪拜于位者於庭鄉其位而拜之士於大夫親弔則與之哭不逆於門外者謂士之喪

大夫親來弔立于西階下東面主人則降自西階下南
面拜之拜訖即位西階下與大夫俱哭不迎大夫于門
外注正義曰此時寄公位在門西國賓位在門東皆北
面者熊氏云凡賓弔北面是其正故檀弓云曾子北面
而弔焉且尸在堂上鄉之可知也知寄公在門西者寄
公有賓義故在賓位故知在門西知國賓在門東者賓
雖為君命使或本是吉使而遭主國之喪而行私弔之
禮故從主人之位故知在門東云小斂之後寄公東面
國賓門西北面者熊氏云小斂之後主人位於阼階下
西面寄公稍依吉禮漸就賓位東面鄉主人也國賓亦
以小斂後漸吉轉就門西賓位但爵是卿大夫猶北面
也又士喪禮云他國之異爵者門西少進是也云既拜
之即位西階東面哭者以大夫身來弔士之時在西階
之南主人降自西階鄉其位而拜之拜訖主人即位於
西階下東面哭之故士喪禮云賓有大夫則特拜之即
位于西階下東面不踊鄭注云即位西階下未忍在主

人位是據主人也而皇氏云即位西階東面哭謂大夫之位也下云大夫特來則北面皇氏即云是大夫之位俱與士喪禮違又與鄭注士喪禮不同其義非也云大夫特來則北面者以大夫與士若俱來皆東面故主人即位西階在大夫之北俱東面而哭今大夫獨來不與士相隨故大夫北面也必知北面者以凡特弔皆北面故檀弓云曾子北面而弔是特弔也

夫人為寄公夫人出命婦為夫人之命出士妻不當斂則為命婦出注出拜之於堂上也此時寄公夫人命婦

位在堂上北面小斂之後尸西東面疏

正義曰前經明男子迎賓此經

明婦人迎賓也夫人為寄公夫人出者出謂出房也婦人不下堂但出房而拜于堂上也婦人尊卑與夫同故

所為出者亦同也命婦為夫人之命出者亦同其夫為君命也此出亦不下堂耳士妻不當斂則為命婦出者前經明士於大夫不當斂出故此士妻於命婦亦不當斂而出也注正義曰知拜于堂上者男子降階拜賓於庭婦人無外事故知拜于堂上云此時寄公夫人命婦位在堂上北面者以前文云君之喪外命婦率外宗哭於堂上北面故知此命婦在堂上北面知寄公夫人亦然者以士喪禮他國異爵者門西北面與已國夫人同則知寄公夫人亦與命婦同也云小斂之後尸西東面者以小斂之後遷尸於堂故知從婦人之位在尸西東也面

小斂主人即位于戶內主婦東面乃斂卒斂主人馮之踊主婦亦如之主人袒說髮括髮以麻婦人髻帶麻于

房中注士既殯說髮此云小斂蓋諸侯禮也士之既殯諸侯之小斂於死者俱三日也婦人之髮帶麻于房中

則西房也天子諸侯有左右房音義

馮皮冰反本或作憑後皆同袒大旱

反說髮本作稅同他活反徐他外反注同髮音毛髮側瓜反

疏

正義曰此一節明人君大夫士等小斂之

節乃拜迎於賓及奠祭弔者之儀各隨文解之主人即位于戶內者以初時尸在牖下主人在尸東今小斂在戶內故主人在戶內稍東西面主人馮之踊者斂訖主人馮尸而踊主婦亦如之者馮尸竟亦踊與男子同也主人袒者歸小斂不袒今方有事故袒衣也士喪禮馮尸已竟而云髻髮袒此未括髮先云袒者或人君禮也說髮者髮幼時剪髮為之至年長則垂著兩邊明人子事親恒有孺子之義也若父死說左髮母死說右髮二

親並死則並說之親沒不髻是也今小斂竟喪事已成故說之也案鄭注士既殯說髻今小斂而說者人君禮也括髮以麻者以用也人君小斂說髻竟而男子括髮括髮用麻也士小斂後亦括髮但未說髻耳婦人髻者婦人髻亦用麻也對男子括髮也帶麻于房中者帶麻麻帶也謂婦人要經也士喪禮云婦人之帶牡麻結本在房鄭云婦人亦有苴經但言帶者記其異此齊衰婦人斬衰婦人亦苴經也帶男子帶經于東房而婦人帶經在西房既與男子異處故特記其異也婦人重帶故云帶而略于經也于房中者謂男子說髻括髮在東房婦人髻帶麻于西房也注正義曰士之既殯諸侯之小斂于死者俱三日也者謂數往日也云婦人之髻帶麻於房中則西房也者案士喪禮主人髻髮袒衆主人免于房鄭注云釋髻髮宜于隱者是主人等括髮在東房士喪禮又云婦人髻于室以男子在房故婦人髻于室大夫士唯有東房故也此經兼明諸侯之禮有東西房

男子既括髮于東房故知婦人髻及帶麻于西房云天子諸侯有左右房者欲明經中房是西房也天子路寢制如明堂熊氏云左房則東南火室也右房則西南金室也諸侯路寢室在於房中在室之東西也

徹帷男女奉尸夷于堂降拜注夷之言尸也於遷尸主人主婦以下從而奉之孝敬之心降拜拜賓也音義

奉

勇反注同夷于堂如字陳也本或作使同疏正義曰此音移一本作奉尸于堂從才用反又如字疏一經明士之喪小斂訖徹帷夷尸之節徹帷者初死恐人惡之故有帷也至小斂衣尸畢有飾故除帷也此士禮耳諸侯及大夫賓出乃徹帷事見於下文男女奉尸夷于堂者夷陳也小斂竟相者舉尸將出戶往陳于堂而孝子男子女親屬並而扶捧之至堂以極孝敬之心也降拜者降下也既陳于堂則適子下堂拜賓也

君拜寄公國賓大夫士拜卿大夫於位於士旁三拜夫
人亦拜寄公夫人於堂上大夫內子士妻特拜命婦
拜衆賓於堂上注衆賓謂士妻也尊者皆特拜拜士與

其妻皆旅之音義

記芳
斂反

主人即位襲帶經踊注即位阼

階之下位也有襲經乃踊尊卑相變也母之喪即位而
免注記異者禮斬衰括髮齊衰免以至成服而冠為母

重初亦括髮既小斂則免音義

免音問
後放此

乃奠注小斂奠

也弔者襲裘加武帶經與主人拾踊注始死弔者朝服

裼裘如吉時也小斂則改襲而加武與帶經矣武吉冠之卷也加武者明不改冠亦不免也檀弓曰主人既小

斂子游趨而出襲裘帶經而入音義

捨其劫反裼思歷反卷起權反

疏

正義曰此一節明君大夫士小斂訖拜賓也云君拜寄公國賓者君謂嗣君也小斂尸出堂嗣君下堂拜賓也寄公尊故先言之也拜寄公及國賓並就于其位鄉而拜之故鄭注士喪禮云拜賓鄉賓位拜之是也大夫士者嗣君又次拜大夫士也大夫士既是先君之臣皆同有斬衰之服而小斂訖出庭列位故嗣君出拜之也拜卿大夫于位者此更申明拜卿大夫士之異卿大夫則就其位鄉而拜之也於士旁三拜者旁猶面也若拜于士士賤不可人人拜之故每一面并唯三拜也必三拜者士有三等故三拜之故士喪禮云大夫特拜士旅之

隱義云士有三等一等一拜故三下膝也一云旁猶不正也或云衆士都共三拜也夫人亦拜寄公夫人于堂上者婦人無下堂位並在堂上故夫人拜寄公妻子堂上也大夫內子士妻者夫人亦拜大夫士之妻也卿妻曰內子大夫妻曰命婦此不云命婦者欲見卿妻與命婦同也特拜命婦者此更申明拜命婦與士妻之異也特猶獨也謂人人拜之尊故也特拜命婦則內子亦然也汜拜衆賓者謂不特也衆賓士妻賤故汜拜之亦旁三拜也於堂上者拜命婦及士妻亦並於堂上也此經唯舉君喪拜賓不云大夫士喪拜賓者文不具也其大夫士之喪拜賓亦然也故士喪禮云主人拜賓大夫特拜士旅之是也案上注小斂之後寄公門西東面國賓門西北面大夫當在門東北面士當在門西國賓之南東面嗣君子阼階之下少南鄉其位而拜之案上注云寄公夫人命婦小斂之後尸西東面其嗣君夫人本位在西房當在西房之外南面拜女賓也若士妻於阼階

上西面拜賓也以無西房故也以上皆是皇氏所說熊氏以為大夫士拜卿大夫士者是卿大夫士家自遭喪小斂後拜卿大夫于位士旁三拜大夫內子士妻亦謂大夫士妻家自遭喪小斂後拜命婦及拜士妻之禮大夫士各自遭喪并言之者以其大夫士家喪小斂後拜賓同故此即君大夫士之喪小斂後拜賓且與上文未小斂時文類其義踰于皇氏矣主人即位者主人拜賓之後稍近北即阼階下位襲帶經踊者拜賓時袒今拜訖襲衣加要帶首經於序東復位乃踊也母之喪即位而免者為父喪拜賓竟而即阼階下位又序東帶經猶括髮若為母喪至拜賓竟即位時不復括髮以免代之免以襲經至大斂乃成服也所以異于父也乃奠者奠謂小斂奠也拜賓襲經踊竟後始設小斂之奠也弔者謂小斂之後來弔者揜襲表之上裼衣若未小斂之前來弔者表上有裼衣裼衣上有朝服開朝服露裼衣今小斂之後弔者以上朝服揜襲表上裼衣加武者賀

氏云武謂吉冠之卷主人既素冠素弁故弔者加素弁於武帶經者帶謂要帶經謂首經總之經帶以朋友之恩故加帶與經也若無朋友之恩則無帶唯經而已與主人拾踊者拾更也謂主人先踊婦人踊弔者踊三者三與主人更踊注正義曰前經注云未小斂主人即位西階下東面位恐此亦然故明之云阼階之下必知然者以士喪禮小斂後衆主人東即位又云主人即位踊襲經于序東復位故知此即位阼階下也云有襲經乃踊尊卑相變也者案士喪禮先踊乃襲經此先襲經乃踊士為卑此據諸侯為尊故云尊卑相變也知始死弔者朝服裼裘者檀弓云子游裼裘而弔是也知朝服者論語云羔裘玄冠不以弔是也小斂之後不用弔則小斂之前可以弔云小斂則改襲而加武與帶經者約子游之弔也云加武者明不改冠亦不免也者凶冠則武與冠連不別有武免亦無武今云加武明不改作凶冠亦不作免弔所以有免以四代袒免親及朋友皆

在他邦媿有免理故云亦不免引檀弓曰以下者證小斂之前楊襄小斂之後襲裘賀氏以為加素弁於吉冠之武帶經謂有朋友之恩以經加於武連言帶耳熊氏又云小斂之時君於臣大夫於士士於朋友之恩若兩大夫不假朋友之恩皆朝服襲裘加經于玄冠之上若大夫士無朋友之恩皆玄冠朝服襲裘而已若士大斂之時有朋友之恩者及兩大夫相為并君於大夫皆皮弁服襲裘加弁經故雜記云大夫與殯亦弁經殯則大斂也君於士大夫士自相於無朋友恩者視大斂則亦皮弁服襲裘無弁經也故士喪禮云君於士視大斂注云皮弁服襲裘無經也故服問云公為卿大夫錫衰若當事則弁經不云士則士雖當事不弁經君於士尚皮弁明君於卿大夫亦皮弁當事弁經與士異也此所云皆謂未成服之前弔服也若成服之後其錫衰麻衰之等已具上檀弓疏然熊氏以武上加經與帶帶文相妨其

義未善兩家之說未知孰是故備存焉

君喪虞人出木角狄人出壺雍人出鼎司馬縣之乃官

代哭注代更也未殯哭不絕聲為其罷倦既小斂可以

為漏刻分時而更哭也木給爨竈角以為料水斗壺漏

水之器也冬漏以火爨鼎沸而後沃之此挈壺氏所掌

也屬司馬司馬涖縣其器音義

壺音胡縣音玄及下注同更古行反下同罷音

皮倦其卷反漏音陋爨七亂反又七官反下爨鼎同
料音俱水斗也隱義云容四升也挈苦結反又音結

夫官代哭不縣壺注下君也音義

下戶嫁反下成君不相下大夫同士

代哭不以官注即以親疏哭也君堂上二燭下二燭大

夫堂上一燭下二燭士堂上一燭下一燭注燭所以照

饌也滅燎而設燭音義

饌仕卷反燎力召反又力弔反

疏

正義曰此一節論君及大

夫士小斂後代哭之異君喪虞人出木角者虞人主山澤之官故出木與角狄人出壺者狄人樂吏主挈壺漏水之器故出壺雍人出鬲者雍人主亨飪故出鬲也所以用鬲及木者冬月恐水凍則鬲漏遲遲更無準則故取鬲煖水用虞人木爨鬲煮之故取鬲及木也司馬縣之者司馬夏官卿也其屬有挈壺氏掌知漏事故司馬自臨視縣漏器之時節故挈壺氏云凡喪縣壺以代哭者乃官代哭者縣漏分時使均其官屬更次相代而哭使聲不絕也注正義曰有喪則於中庭終夜設燎至曉滅燎而日光未明故須燭以照祭饌也

賓出徹帷注君與大夫之禮也士卒斂即徹帷徹或為

廢疏

正義曰士小斂竟而徹帷此至小斂竟下階拜賓賓出後乃除帷是人君及大夫禮舒也注云士卒

斂即徹帷者

士喪禮文

哭尸于堂上主人在東方由外來者在西方諸婦南鄉

注由外來謂奔喪者也無奔喪者婦人猶東面音義鄉

亮疏正義曰此一節通明小斂後尸出在堂時法也主人在東方者主人之位猶在尸東婦人之位亦猶

在尸西如室中也由外來者在西方者由從也從外來謂新奔喪者若於時有新奔喪從外來者則居尸西方

也所以爾者阼階有事故升自西階乃就西方又一通云欲見異于在家者故在西方也若未小斂而奔者則

在東方也故奔喪注云其未小斂而至與在家同是也諸婦南鄉者諸婦主婦以下在家者若無奔喪者則婦人位本在西方東鄉今既有外新奔者故移避之而近北以鄉南也

婦人迎客送客不下堂下堂不哭男子出寢門外見人不哭注婦人所有事自堂及房男子所有事自堂及門

非其事處而哭猶野哭也出門見人謂迎賓客者也音

義處昌慮反其無女主則男主拜女賓于寢門內其無男主

則女主拜男賓于阼階下子幼則以衰抱之人為之拜為後者不在則有爵者辭無爵者人為之拜在竟內則

俟之在竟外則殯葬可也喪有無後無無主注拜者皆

拜賓于位也為後者有爵攝主為之辭於賓耳不敢當

尊者禮也音義

衰七雷反人為于偽反下人為君皆同竟音境下同

疏曰此

一節明小斂之後男主女主迎送弔賓及拜賓之位又
廣明喪主不在之義婦人質故迎客送客不下堂下堂
不哭者敵者不下堂若有君夫人弔則主婦下堂至庭
稽顙而不哭也男子出寢門見人不哭者男子遭喪敵
者來弔不出門若有君命則出門迎亦不哭也故士喪
禮君使人弔徹帷主人迎于寢門外見賓不哭是也其
無女主則男主拜女賓於寢門內者以此下明喪無主
而使人攝者禮也若有主則使男主拜男賓女主拜女
賓若無女主者則男主拜女賓于寢門內也其無男主
則女主拜男賓于阼階下者若無男主者亦使女主拜

男賓于阼階下位也鄉云女有下堂明謂此也男拜女
賓于門內少遠階下而猶不出門也子幼則以衰抱之
人為之拜者若有子雖幼小則以衰抱之為主而人代
之拜賓也為後者不在者謂主出行不在而家有喪則
有爵者辭者謂不在家之主有官爵其攝主無官爵則
辭謝于賓云已無爵不敢拜賓無爵者人為之拜者謂
不在之主無官爵其攝主之人而為主拜賓也在竟內
則俟之者若主行近在國竟之內則俟其還乃殯葬也
在竟外則殯葬可也者若主行在國外計不可待則殯
殯後又不可待則葬可也喪有無後無主者釋所以
必使人攝及其衰抱幼之義無後已自絕嗣無關於人
故可無後也若無主則相對賓有闕故四鄰里尹主之
是無得
無主也

君之喪三日子夫人杖五日既殯授大夫世婦杖子大

夫寢門之外杖寢門之內輯之夫人世婦在其次則杖
即位則使人執之子有王命則去杖國君之命則輯杖
聽卜有事於尸則去杖大夫於君所則輯杖於大夫所
則杖注三日者死之後三日也為君杖不同日人君禮
大可以見親疏也輯斂也斂者謂舉之不以拄地也夫
人世婦次於房中即位堂上堂上近尸殯使人執杖不
敢自持也子於國君之命輯杖下成君不敢敵之也卜
卜葬卜日也凡喪祭虞而有尸大夫於君所輯杖謂與

之俱即寢門外位也獨焉則杖君謂子也於大夫所杖

俱為君杖不相下也音義

韓側立反下同斂也去起呂反後去杖皆同見賢遍反斂

力檢反下同拄知疏正義曰此一節廣明君及大夫士

主反近附近之近子大夫寢門之外杖者子謂兼適庶及世子也寢門殯

宮門也子大夫廬在寢門外得持杖拄地行以至寢門

也寢門之內輯之者斂之不拄地殯柩在門內神明所

在故入門斂之不敢拄地也若庶子至寢門則去杖不

得持入也此大夫與子同者謂大夫特來不與子相隨

也若與子相隨子杖則大夫輯子輯則大夫去杖故下

文云大夫於君所則輯杖是也夫人世婦在其次則杖

者次謂婦人居喪之地在房內則得持杖拄地也即位

則使人執之者婦人之位在堂堂上有殯若出房即位

則不復自執俱使人代執之自隨不拄地也子有王命

則去杖者子亦謂世子也世子若有天子之命則對之則不敢杖故去之以尊王命也國君之命則輯杖者國君若隣國之君使人來弔雖與敵國而世子自卑未敢比成君故自斂杖以敬彼君命也聽卜有事於尸則去杖者聽卜謂卜葬卜日也有事於尸謂虞及卒哭祔祭事尸時也敬卜及尸故去杖也大夫於君所則輯杖者君謂世子也若大夫與世子俱來在門外位大夫則輯杖敬嗣君也於大夫所則杖者大夫若不與世子俱來而與諸大夫俱在門外位既同是為君杖無相敬下故並得執杖拄地也注正義曰知死後三日者下文云士之喪二日而殯三日之朝主人杖則知君大夫三日者與士同故知死後三日也云為君杖不同日人君禮大可以見親疏也者以下云大夫之喪既殯主人主婦室老皆杖今君喪親疏杖不同日是人君禮大可以見親疏也熊氏云經云子杖通女子在室者若嫁為他國夫人則不杖嫁為卿大夫之妻與大夫同五日杖也喪服

四制七日授士杖君之女及內宗外宗之屬嫁為士妻
及君之女御皆七日杖云夫人世婦次於房中者謂西
房也故上文云婦人髻帶麻于房中是也云即位堂上
者前文云夫人亦拜寄公夫人于堂上是即位堂上也
云卜卜葬卜日也者以經文卜在有事於尸之前虞而
立尸虞祭之前卜者唯卜葬日耳故知卜謂卜葬日也
云凡喪祭虞而有尸者檀弓云虞而立尸又士虞禮有
尸是虞有尸也云大夫于君所輯杖謂與之俱即寢門
外位也者以經云子大夫寢門之外杖故知是寢門外
位若寢門內位則君亦輯之大夫當去杖也云君謂子
也者以經前云子後云君嫌是別人故云君謂子也云
於大夫所杖俱為君杖不相下也者謂大夫於大夫所
是兩大夫相對故云
俱為君不相降下也

大夫之喪三日之朝既殯主人主婦室老皆杖大夫有

君命則去杖大夫之命則輯杖內子為夫人之命去杖

為世婦之命授人杖注大夫有君命去杖此指大夫之

子也而云大夫者通實大夫有父母之喪也授人杖與

使人執之同也音義為夫子偽反下及注疏正義曰此

妾為君為人得並同疏一節明大

夫杖節三日之朝既殯者謂死後三日既殯之後乃杖

也主人主婦室老皆杖者應杖者三日悉杖也大夫有

君命則去杖者大夫即大夫嗣子也嗣子而云大夫者

鄭云通實大夫有父母之喪也對君命亦然也大夫及

嗣子有君命則去杖以敬之也大夫之命則輯杖者若

嗣子對彼大夫之使則斂杖以自卑下之也若兩大夫

自相對則不去杖敵無所下也內子為夫人之命去杖

者內子卿妻若卿大夫妻有夫及長子喪君夫人有命

吊已者皆為夫人之命去杖也為世婦之命授人杖者
若有君之世婦命吊內子敬之則使人執杖以自隨也
世婦卑于夫人隨而不去也經云大夫之喪不舉命婦
而舉內子鄉妻者舉內子則命婦可知也文相互也欲
見鄉喪與大夫同注正義曰經云大夫之喪則其子非
大夫也今云大夫有君命是謂子為大夫經雖以子為
主兼通身實為大
夫有父母喪也

士之喪二日而殯三日之朝主人杖婦人皆杖於君命
夫人之命如大夫於大夫世婦之命如大夫注士二日
而殯者下大夫也士之禮死與往日生與來日此二日
於死者亦得三日也婦人皆杖謂主婦容妾為君女子

子在室者子皆杖不以即位注子謂凡庶子也不以即位與去杖同大夫士哭殯則杖哭柩則輯杖注哭殯謂既塗也哭柩謂啓後也大夫士之子於父父也尊近哭殯可以杖天子諸侯之子於父父也君也尊遠杖不入

廟門棄杖者斷而棄之於隱者注杖以喪至尊為人得

而棄之也音義

棄本亦作古弃字斷丁管反下注斷足爪同

疏

正義曰此一節明士之杖

節二日而殯者除死日為二日也三日之朝者謂殯之明日是也於君命夫人之命如大夫者謂士之子於君命其妻於夫人之命如大夫之禮君命夫人之命皆去杖於大夫世婦之命如大夫者謂士之子於大夫之命

其妻於世婦之命如大夫於大夫之禮大夫之命則輯杖世婦之命則授人杖也於大夫世婦之命如大夫定本如大夫作如夫人三字異義亦通子皆杖不以即位者皇氏云子謂大夫士之庶子也不以杖即位辟適子也所以知此是大夫士庶子者見下有大夫士適子哭殯哭柩推此大夫士適子故知此是大夫士之庶子也然案鄭注此云子謂凡庶子也凡於貴賤則庶子是也容人君適子入門輯杖猶得即位庶子宜在門外之位去之故無即門內之位禮也大夫士之適子則得哭殯哭柩如下所說其庶子則宜與人君之庶子同並不得以杖即位也熊氏云此文承上君大夫士之喪下則此謂君大夫士之庶子故注云子謂凡庶子義亦通也大夫士哭殯則杖哭柩則輯杖者大夫士謂大夫士之適子哭殯則杖者既攢塗之後於父也其尊偏近故哭殯可以杖也哭柩則輯杖者謂將葬既啓之後對柩為尊則斂去其杖棄杖者斷而棄之於隱者杖是喪至尊

之服雖大祥棄之猶恐人褻慢斷之不堪他用棄於幽
隱之處使不穢汚注正義曰案前文大夫三日殯此士
二日殯定降下大夫也云士之禮死與往日生與來日
者殯是為死者故數往日為二日杖是為生者故數來
日為三日云主婦容妾為君女子子在室者前經大夫
之喪云主人主婦此士之喪直云婦人皆杖婦人是衆
羣婦故知容妾為君及女子子在室者也以其皆杖故
也不以即位者不以杖即位鄭恐人疑庶子雖不得以
杖即位猶得輯之入門故明之也言與去杖同凡去杖
者不復輯也哭柩謂啓後也者啓謂將葬啓殯而出柩
也知非未殯之前而哭柩者大夫士之喪未殯之前則
未杖也云天子諸侯之子於父也君也尊遠杖不入
廟門者天子諸侯其尊廣遠廟門之內則去
杖廟門謂殯宮之門柩之所在故云廟也

君設大盤造冰馬大夫設夷盤造冰馬士併瓦盤無冰

設牀禮第有枕舍一牀襲一牀遷尸于堂又一牀皆有枕席君大夫士一也注此事皆沐浴之後宜承濡濯弃

於坎下扎爛脫在此耳造猶內也禮第袒筭也謂無席

如浴時牀也禮自仲春之後尸既襲既小斂先內冰盤

中乃設床於其上不施席而遷尸焉秋涼而止士不用

冰以瓦為盤併以盛水耳漢禮大盤廣八尺長丈二深

三尺赤中夷盤小焉周禮天子夷盤士喪禮君賜冰亦

用夷盤然則其制宜同之音義

盤本又作槃步干反造七報反下及注皆同併

步頂反注同禮之善反單也注同第例里反舍胡暗反
濡奴亂反下文同濯直孝反下文同坎口感反札側八

反爛力旦反簀音責盛音成廣疏正義曰此一節明初
古曠反長直亮反深尸鳩反死沐浴之節造冰馬

者謂造內其冰於盤中也大夫設夷盤者小於大盤亦
內冰馬士併瓦盤無冰者瓦盤既小故併盤士卑故無

冰設牀禮第者置冰於下設牀於上去席禮露第簀有
枕舍一牀襲一牀遷尸於堂又一牀者言此三節各自

有牀也皆有枕席者唯舍一時暫徹枕使面平故士喪
禮云商祝徹枕設中是也舍竟而並有枕也而舍襲及

堂皆有席故鄭注士喪禮商祝襲衣于牀牀次舍牀之
東衽如初又注士喪禮設牀第于兩楹之間衽如初有

枕云衽寢卧之席也亦下莞上簟是也君大夫士一也
者自設牀禮第至此以下貴賤同然也注正義曰造是

造詣凡造詣者必入於內故云造猶內也云禮第袒簀
也謂無席如浴時牀也者浴時無席為漏水也設冰無

席為通寒氣也云禮自仲春之後尸既襲既小斂先內
冰盤中者若人君仲春則用冰若命夫命婦則火出之
後而用冰故昭四年左傳云獻羔而啓之公始用之謂
仲春也又云火出而畢賦周禮凌人夏頒冰是卿大夫
以下三月以後而得用冰也云既襲既小斂者謂大夫
士也既襲謂大夫也既小斂謂士也皆是死之明日若
天子諸侯亦三日而設冰也在襲斂之前也云夷盤小
焉者謂小于大盤云周禮天子夷盤者案周禮凌人云
大喪共夷盤冰是也但天子之夷盤即此之大盤也依
尸而言則曰夷盤此云夷盤者據大夫所用對君大盤
為小云士喪禮君賜冰亦用夷盤者案士喪禮云士有
冰用夷盤何不言君賜知君賜者諸侯之士既卑若無
君賜何得用冰云其制宜同之者以天子夷盤此大夫
云夷盤士喪禮又云夷盤三者俱有夷名是其制宜同
但大小
稍異也

始死遷尸于牀，用斂衾去死衣。小臣楔齒，用角柶綴

足，用燕几。君大夫士一也。注：牀謂所設牀，第當牖者也。

士喪禮曰：士死于適室，斂用斂衾去死衣。病時所加新

布及復衣也。去之以俟沐浴。音義

斂荒胡反，去死起呂反。注同楔息結反柶。

音四，綴竹劣反。又竹衛疏。正義曰：此一節又明初死沐浴反下注同適室。丁歷反。浴之節，此經論初死之時。下

經論死後而沐浴前，經論浴後設冰。經文顛倒，故鄭注前經云：「此事皆沐浴之後，宜承濡濯，棄于坎下。今依鄭

次，隨文解之。遷尸于牀者，尸初在地，冀生氣復而既不生，故更遷尸於牀而離初死處，以近南當牖也。即前所

謂既正尸也。斂衾者，斂覆也。斂衾者，將擬大斂之時。衾被也。既遷尸在牀而用斂衾覆之也。去死衣者，既

覆之故除去死時之所加新衣及復衣為尸將浴故也
小臣楔齒用角柶者楔拄也柶以角為之長六寸兩頭
屈曲為將舍恐口閉急故使小臣以柶拄強尸齒令開
也綴足用燕几者為尸應著屨恐足辟戾亦使小臣用
燕几綴拘之令直也案既夕禮云綴足用燕几校在南
御者坐持之鄭注云云尸南首几脛在南以拘足如鄭
此言則側几於足令几脚南出以拘尸足兩邊不令辟
戾崔氏云燕几今之燕几其形曲仰而拘足與鄭違其
義非也君大夫士一也者自始死至此貴賤同注正義
曰笱林箬也初廢林者林在北壁當戶至復魄後遷之
在牀而當牖南首所以死後必遷當牖南首者以平生
寢卧之處故士昏禮同牢在奧又云御衽于奧勝衽良
席在東北上又曲禮云為人子者居不主奧是尊者常
居之處若晝日常居則當戶故玉藻云君子之居恒當
戶若病時亦當戶在北牖下取鄉明之義故鄭前
注病者恒居北牖下明不病不恒居北牖下也

管人汲不說繙屈之盡階不升堂授御者御者入浴小
臣四人抗衾御者二人浴浴水用盆沃水用料浴用絺
中拒用浴衣如它日小臣爪足浴餘水棄于坎其母之
喪則內御者抗衾而浴注抗衾者蔽上重形也拒拭也

爪足斷足爪也音義

管人如掌管舍之人也下同汲音急說吐

活反繙均必反汲水綆也抗苦浪反舉也盆蒲奔反沃
烏谷反料音主又音斗絺勅其反一本作綌去逆反拒
音震它音他疏正義曰此一經明浴時也管人主館舍
下同拭音式疏者故鄭注士喪禮管人有司主館舍者
汲謂汲水不說繙屈之者繙汲水瓶索也遽促於事故
不說去此索但縈屈執之於手中盡階不升堂者以水

從西階而升，盡不上堂，知西階者以士喪禮云為墜于西牆下，故知從西階而升也。浴水用盆者，用盆盛於浴水也。沃水用料者，用料酌盆水沃尸。熊氏云：用盤於牀下承浴水，浴用絺中者，絺是細葛，除垢為易，故用之也。士喪禮云：浴中二皆用綌。熊氏云：此蓋人君與大夫禮，或可。大夫上絺，下綌，故玉藻云：浴用二巾，上絺，下綌。是也。拒用浴衣者，拒拭也。用生時浴衣拭尸，肉令燥也。賀氏云：以布作之，生時有作也。士喪禮云：浴衣於篋。注云：浴衣已浴所衣之衣，以布為之，其制如今通裁是也。如它日者，它日謂平生尋常之日也。小臣爪足者，尸浴竟而小臣翦尸足之爪也。浴餘水棄于坎者，浴盆餘汁棄之於坎中，坎者是甸人所掘于階間，取土為竈之坎。甸人主郊野之官，其母之喪，則內御者抗衾而浴者，內外宜別，故用內御舉衾也。內御，婦人亦管人汲事事如前。唯浴用人不同耳。

管人汲授御者御者差沐於堂上君沐梁大夫沐稷士

沐梁甸人為塗於西牆下陶人出重鬲管人受沐乃煮

之甸人取所徹廟之西北扉薪用爨之管人授御者沐

乃沐沐用瓦盤拒用巾如他日小臣爪手翦須濡濯棄

于坎注差浙也浙飯米取其潘以為沐也浴沃用料沐

於盤中文相變也士喪禮沐稻此云士沐梁蓋天子之

士也以差率而上之天子沐黍與音義差七何反注差

浙同沐音木甸

田遍反塗音役鄭注儀禮云塊竈也陶音桃重直龍反
鬲音歷煮諸許反扉扶味反隱也舊作扉音非門扉也

繫七通反浙先歷反潘方表反米汁也
差初佳反率音律又音類上時掌反

疏正義曰此一節明沐也管

人沒授御者御者差沐于堂上者差謂浙米取其潘汁也君沐梁大夫沐稷士沐梁者皆謂用其米取其汁而

沐也甸人為塗於西牆下者謂將沐之時甸人之官為塗于西牆下土塗墜竈甸人具此為塗竈以煮沐汁陶

人土重鬲者陶人作瓦器之官也重鬲者謂縣重之罌也是瓦瓶受三升以沐米為粥實於瓶以疏布幕口繫

以篾縣之覆以葦席管人受沐乃煮之者浙於堂上管人亦升盞等不上堂而就御者受浙汁下往西牆於塗

竈鬲中煮之也甸人取所徹廟之西北扉薪用繫之者繫然也甸人為竈竟又取復魄人所徹正寢西北扉以

然竈煮沐汁也謂正寢為廟神之也然舊云扉是屋簷也謂抽取屋西北簷也熊氏云扉謂西北隅扉隱之處

徹取屋外當扉隱處薪義亦通也何取此薪而用者示主人已死此堂無復用故取之也管人授御者沐者煮

汁孰而管人又取以升階授堂上御者使沐也乃沐者御者受汁入為尸沐也沐用瓦盤者盤貯沐汁就中沐也拒用巾者用巾拭髮及面也士喪禮云沐巾一又云拒用中注云中晞也清也如它日者事事亦如平生也小臣爪手翦須者沐竟而翦手爪又治須象平生也濡濯棄于坎者皇氏云濡謂煩擗其髮濯謂不淨之汁也言所濡濯汁棄于坎中鄭注士喪禮云中櫛浴衣亦并棄之其坎案既夕禮云掘坎南順廣尺輪二尺深三尺高其壤此沐汁棄于坎則浴汁亦然注正義曰差是差摩故云浙詩云釋之叟叟是釋浙米也云取其潘以為沐也者士喪禮云受潘煮于俎用重鬲云浴沃用料沐於盤中文相變也者謂沐與浴俱有料俱有盤浴云用料沐云用盤是文相變也云士喪禮沐稻此云士沐梁蓋天子之士也者若士喪禮云是諸侯之士而沐稻今此云士沐梁故疑天子之士也云以差率而上之天子沐黍與者案公食大夫禮黍稷為正饌稻粱為加是稻

梁卑于黍稷就稻粱之內梁貴而稻賤是稻人所常種
粱是穀中之美故下曲禮云歲凶大夫不食粱故諸侯
之士用稻天子之士用粱黍稷相對稷雖為重其味短
故大夫用之黍則味美而貴故特牲少牢爾黍于席以
其味美故也詩頌云其饌伊黍鄭注豐年之時雖賤者
猶食黍是黍貴也故天子用之無正文故疑而云與也
君之喪于大夫公子衆士皆三日不食于大夫公子衆士食
粥納財朝一溢米莫一溢米食之無算士疏食水飲食
之無算夫人世婦諸妻皆疏食水飲食之無算注納財
謂食穀也二十兩曰溢於粟米之法一溢為米一升二
十四分升之一諸妻御妾也同言無算則是皆一溢米

或粥或飯音義

粥之育反又音育下同溢音逸劉昌宗又音實下同莫音暮疏食音嗣下及下

注疏食

疏

正義曰此一節廣明五服之喪自初死至除服君及大夫士食飲之節今各依文解之今

皆同

疏

正義曰此一節廣明五服之喪自初死至除服君及大夫士食飲之節今各依文解之今

此經特明君喪食之禮納財者財謂穀也謂所食之米也言每日納用之米朝唯一溢米莫唯一溢米也食之無算者言居喪困病不能頓食隨須則食故云無算士疏食水飲者疏麤也食飯也士賤病輕故疏食麤米為飯亦水為飲夫人世婦諸妻皆疏食水飲者婦人質弱恐食粥傷性故言疏食水飲也注正義曰財謂穀也故太宰云以九賦斂財賄也注云財謂泉穀是穀為財但米由穀出經已稱米故鄭云食穀必言納財者以一日之中或粥或飯雖作之無時不過朝夕二溢之米當須豫納其米故云納財也云一溢為米一升二十四分升之一者案律歷志云鐘之律其實一籥律歷志合籥為合則二十四銖合重一兩十合為一升升重十兩二十

兩則米二升與此不同者但古秤有二法說左傳者云
百二十斤為石則一斗十二斤為兩則一百九十二兩
則一升為十九兩有奇今一兩為二十四銖則二十兩
為四百八十銖計一十九兩有奇為一升則總有四百
六十銖八參以成四百八十銖唯有十九銖二參在是
為米一升二十四分升之一此大略而言之云同言無
算則是皆一溢米或粥或飯者粥與疏食俱言無算是
疏食與粥者皆一溢米或粥謂食粥者或飯謂疏食也

大夫之喪主人室老子姓皆食粥衆士疏食水飲妻妾

疏食水飲注室老其貴臣也衆士所謂衆臣士亦如之

注如其子食粥妻妾疏食水飲疏

正義曰此經明大夫禮也室老子姓皆食

粥者室老謂貴臣子姓謂孫也不云衆子者主人中兼之衆士疏食者謂非室老也案喪服傳云鄉大夫室老

士貴臣其餘皆衆臣鄭注云士邑宰此不云者邑宰雖貴以其遠於君與衆臣同案檀弓主人主婦歌粥此夫
人世婦妻皆疏食者熊氏云檀弓云主婦謂女主故食粥也

既葬主人疏食水飲不食菜果婦人亦如之君大夫士

一也練而食菜果祥而食肉注果瓜桃之屬疏

正義曰此一節

明既葬至練祥君大夫士之食節也主人疏食水飲者熊氏云既葬哀殺可以疏食不復用一溢米也

食粥於盛不盥食於簋者盥食菜以醯醬始食肉者先

食乾肉始飲酒者先飲醴酒注盛謂今時杯杆也簋竹

筥也歆者不盥手飯者盥簋或作箕音義

盥古緩反簋本又作匣又

作算悉緩反又蕪管反醢呼鷄反杵音于筮居疏正義
呂反歎昌悅反飯扶晚反奠息尹反徐音奠曰此

一節明食之雜禮食粥於盛不盥者以其歎粥不用手
故不盥食於筭者盥者筭謂竹筮飯盛於筭以手就筭
取飯故盥也食菜以醢醬者謂練而食菜果者食之時
以醢醬也始食肉者先食乾肉始飲酒者先飲醴酒文
承既祥之下謂祥後也然問傳曰父母之喪大祥有醢
醬禫而飲醴酒二文不同又庾氏云蓋記者所聞之異
大祥既鼓琴亦可食乾肉矣食菜用醢醬於情為安且
既祥食果則食醢醬無嫌矣熊氏云此據病而不能食
者練而食醢醬
祥而飲酒也

期之喪三不食食蔬食水飲不食菜果三月既葬食肉
飲酒期終喪不食肉不飲酒父在為母為妻九月之喪

食飲猶期之喪也食肉飲酒不與人樂之注食肉飲酒

亦謂既葬音義

期音基下同為母為妻于偽疏正義曰

反下注為其同與音預下同此一節

論期與大功喪食之節也期之喪三不食者謂大夫士

旁期之喪三不食者謂義服也其正服則二日不食也

故間傳云齊衰二日不食九月至喪也者謂事同期也

五月三月之喪壹不食再不食可也比葬食肉飲酒不

與人樂之叔母世母故主宗子食肉飲酒注義服恩輕

也故主謂舊君也言故主者闕大夫及君也音義比必利反

不能食粥羹之以菜可也注謂性不能者可食飯菜羹

有疾食肉飲酒可也注為其氣微五十不成喪注成猶

備也所不能備謂不致毀不散送之屬也疏

正義曰此一經明五

月三月喪食之節壹不食再不食可也者壹不食謂總

麻再不食謂小功并言之也容傷降之總麻再不食義

服小功壹不食故總以壹不食再不食結之故問傳云

小功總麻再不食傷降者也注正義曰故主者若是諸

侯當云舊君主者大夫之稱經云故主故知闕大夫君

也致毀者謂致極哀毀散送謂經帶垂散麻以送葬故

雜記云五十不致毀玉藻云五十不散送注云送喪不散麻

七十唯衰麻在身注言其餘居處飲食與吉時同也

既葬若君食之則食之大夫父之友食之則食之矣不

辟梁肉若有酒醴則辭注尊者之前可以食美也變於

顏色亦不可音義

食音嗣辟音避梁音良

疏

正義曰此一經明已有喪既葬尊者賜食

之禮葬後情殺可從尊者奪也君食之謂君食臣也大夫謂大夫食士也父友謂父同志者也其人並尊若命食孝子則可從之食也不辟梁肉者梁梁米也雖以梁米之飯及肉命食孝子食之若有酒醴則辭者若酒醴飲之則變見顏色故辭而不飲也

小斂於戶內大斂於阼君以篔席大夫以蒲席士以葦

席注篔細葦席也三者下皆有莞音義

篔徒點反葦于鬼反莞音官又

音疏

正義曰此一節明君大夫士小斂大斂所用之席也士以葦席與君同者士卑不嫌故得與君同用

簟也注正義曰知下皆有莞者案士喪禮記云設牀當牖下莞上簟士喪經云布席於戶內下莞上簟謂小斂席也大斂云布席如初注云亦下莞上簟知士始死至大斂用席皆同也士尚有莞則知君及大夫皆有莞也但此大夫辟君上席以蒲也若吉禮祭祀則蒲在莞下故同几筵諸侯祭祀席蒲筵績純加莞席紛純與此異也

小斂布絞縮者一橫者三君錦衾大夫緇衾士緇衾皆一衣十有九稱君陳衣于序東大夫士陳衣于房中皆西領北上絞紛不在列注絞既斂所用束堅之者縮從也衣十有九稱法天地之終數也士喪禮小斂陳衣於

房中南領西上與大夫異今此同亦蓋天子之士也絞

紵不在列以其不成稱不連數也小斂無紵因絞不在

列見之也或曰縮者二音義

絞戶交反後同縮所六反
編古老反稱尺證反杜預

云衣單複具曰稱後放此紵其鳩反後疏正義曰此以

皆同從足容反數色主反見賢通反

疏

正義曰此以下至締綌紵

不入廣明君大夫士小斂大斂及禭所用之衣并所陳

之屨各隨文解之此一經明小斂之衣布絞縮者一橫

者三者以布為絞縮從也謂從者一幅堅置于尸下橫

者三幅亦在尸下從者在橫者之上每幅之末析為三

片以結束為便也君錦衾大夫編衾士緇衾皆一者謂

大夫士等各用一衾故云皆一舒衾於此絞上衣十有

九稱者君大夫士同用十九稱衣布於衾上然後舉尸

於衣上屈衣裹又屈衾裹之然後以絞束之君陳衣於

序東大夫士陳衣于房中者謂將小斂陳衣也房中者東房也大夫士唯東房故也絞衾不在列者謂不在列九稱之列不入數也小斂未有紼因絞不在列而言紼耳注正義曰衣十有九稱法天地之終數者宗易繫辭云天一地二天三地四天五地六天七地八天九地十天數終於九也地數終於十也人既終故云以天地終數斂衣之也云亦蓋天子之士者以前文士沐梁與士喪禮不同已云此蓋天子之士此經陳衣與士喪禮也者上衣下裳相對故為成稱絞紼非衣故云不成稱經云不在列鄭恐今不布列故云不連數謂不連為十九稱之列其實亦布陳也云小斂無紼者以下文大斂始云布紼今此經直云布紼故知無紼也

禮記注疏卷四十四

禮記注疏卷四十四考證

喪大記小臣復○臣召南按此文祇詳諸侯以下所用之服異耳若其復之處所不同則檀弓詳之

司服受之注司服以篋待衣於堂前○按士喪禮作受用篋陸氏釋文曰篋或作篋據此注則鄭儀禮本作篋矣

婦人哭踊疏通自上諸侯並踊也○諸侯當作諸人所謂諸人指上主人及兄弟等

為寄公國賓出注出者或至庭疏士出迎大夫士也○
按士也係是也之訛士於大夫則出至庭於士則不
出也

弔者襲裘加武帶經注疏君於士句大夫士自相於句
無服友恩者句則亦皮弁服襲裘句無弁經也句○

臣召南 按無服友恩者當作無朋友恩者朋服二字
以相近而誤蓋君於士也大夫於大夫也士於士也
其用皮弁服襲裘並同所異者有朋友之恩則加弁

經無朋友之恩則無弁經也

設牀禮第有枕○臣召南按疏讀設牀禮第為句有枕

連下含一牀非也鄭注士喪禮引此文以設牀禮第有枕六字為句又引含一牀三句於義甚明

疏案士喪禮云士有冰用夷盤何不言君賜知君賜者云云。臣召南按夷盤當依儀禮原文作槃何字係

可也兩字之訛不言君賜以下則疏自解此注也

御者入浴小臣四人抗衾注抗衾蔽上重形也○臣召

南按蔽上上字無謂士喪禮主人皆出戶外北面注云象平生沐浴裸裎賈疏引此注云謂其裸裎蔽之也與此文小異此蔽上恐是蔽之之訛

士以葦席○臣召南按士喪禮則士亦上用篔與此異

疏故同几筵○按當作司几筵此引周禮文也

縮者一橫者三疏謂從者一幅豎置於尸下○按豎字係豎字之訛

禮記注疏卷四十四考證

謹案卷四十四第二頁後四行疏東首于北牖下
後五行疏則暫時移嚮南牖下刊本監本毛本
牖俱訛墉據宋本改

第四頁前二行疏此對路寢刊本對訛君據左傳
改

第五頁前二行注用朝服而復之者諸本復訛服
據宋本改

第六頁後二行疏因取西北扉為便也必徹西北

扉者及後三行降因取西北扉刊本三扉字俱訛匪據毛本改

後四行疏婦人舉子男之妻諸本子男訛男子據禮記義疏改

第七頁後六行疏然婦人雀踊刊本婦訛象今改
第八頁後七行疏設牀第當牖刊本第訛第今改
第十頁前二行疏故知是為喪來哭者諸本知訛
列據宋本改

第二十四頁前七行於君命夫人之命刊本於訛
若之訛而今改

後八行疏謂將葬既啓之後諸本葬訛喪據宋本
改

第二十五頁後八行音義步干反刊本干訛于據
釋文改

第二十七頁後一行疏及復衣刊本及訛乃據毛
本改

後四行疏令几脚南出刊本令訛今今改

後七行疏媵衽良席在東北上刊本上訛止據毛

本改

第二十九頁後八行疏管人授御者刊本授訛受
今改

第三十頁前一行疏御者受汁刊本受訛授今改
第三十三頁後五行疏主者大夫之稱經云故主
故知闕大夫君也諸本稱字主故二字並脫據

宋本增

第三十四頁後三行疏蒲筵續純刊本續訛續今
改

考證二頁前五行疏案士喪禮云刊本訛接前一
條今改



覆校官編修 臣張秉愚

校對官庶吉士 臣閔懋大

謄錄監生 臣高毓英

欽定四庫全書會要

經部

禮記注疏卷四十五

詳校官編修臣程嘉謨



禮記注疏卷四十五

漢鄭氏注 唐陸德明音義 孔穎達疏

喪大記

陳衣于庭百稱北領西上大夫陳衣于序東五十稱西領南上士陳衣于序東三十稱西領南上絞紛如朝服絞一幅為三不辟紛五幅無統注二衾者或覆之或薦

之如朝服者謂布精麤朝服十五升小斂之絞也廣終幅析其末以為堅之強也大斂之絞一幅三析用之以為堅之急也統以組類為之綴之領側若今被識矣生

時禫被有識死者去之異於生也士喪禮大斂亦陳衣

於房中南領西上與大夫異今此又同亦蓋天子之士

統或為點音義

幅本又作畱方服反為三絕句不辟絕句補參反又音壁徐扶移反統丁覽反

廣古曠反析思歷反下同強其丈反識式志

疏

正義曰此一節

反又音志又音式下同去起呂反下注同

明大斂之事大斂布絞縮者三者謂取布一幅分裂之作三片直用之三片即共是一幅也兩頭裂中央不通

橫者五者又取布二幅分裂之作六片而用五片橫之於縮下也布紵者皇氏云紵禪被也取置絞束之下擬用以舉尸也孝經云衣衾而舉之是也今案經云紵在絞後紵或當在絞上以絞束之且君衣百稱又通小斂與襲之衣非單紵所能舉也又孝經云衾不云紵皇氏之說未善也二衾者小斂君大夫士各一衾至大斂又各加一衾為二衾其衾所用與小斂同但此衾一是始死覆尸者故士喪禮云斂用斂衾注大斂所并用之衾一是大斂時復制又注士喪禮云衾二者始死斂衾今又復制士既然則大夫以上亦爾君陳衣于庭百稱北領西上者衣多故陳在庭為榮顯案鄭注雜記篇以為襲禮大夫五諸侯七上公九天子十二稱則此大斂天子當百二十稱上公九十稱侯伯子男七十稱今云君百稱者據上公舉全數而言之餘可知也或大斂襲五等同百稱也北領者謂尸在堂也西上者由西階取之便也大夫士陳衣于序東西領南上異於小斂北上者

小斂衣少統於尸故北上大斂衣多故南上取之便也
絞紛如朝服者言絞之與紛二者皆以布精麤皆如朝
服俱十五升也絞一幅為三者謂以一幅之布分為三
段不辟者辟擘也言小斂絞全幅析裂其末為三而大
斂之絞既小不復擘裂其末但古字假借讀辟為擘也
紛五幅無統者紛舉尸之禫被也統謂緣飾為識所以
組類緇邊為識今無識異於生也注正義曰朝服十五
升者雜記文云以為堅之強也者解小斂用全幅布為
絞欲得堅束力強以衣少故用全幅云以為堅之急也
者解大斂一幅分為三片之意凡物細則束縛牢急以
衣多故須急也云統以組類為之者組之般類其制多
種故云組類云緇之領側若今被識矣者領為被頭側
謂被旁識謂記識言緇此組類於領及側如今被之記
識引士喪禮以陳衣於房中與大夫異今此士陳衣與
大夫同故云今此又
同亦蓋天子之士

小斂之衣祭服不倒注尊祭服也斂者要方散衣有倒

音義

倒丁老反注及下同散恣但反

君無禭大夫士畢主人之祭服親

戚之衣受之不以即陳注無禭者不陳不以斂音義

音禭

遂小斂君大夫士皆用複衣複衾大斂君大夫士祭服

無筭君褶衣褶衾大夫士猶小斂也注褶袷也君衣尚

多去其著也音義

複音福褶音牒袷古洽反

疏正義曰祭服不倒者祭服謂死者所得用

祭服以上也小斂十九稱不恣著之但用裹尸要取其方而衣有倒領在足間者唯祭服尊雖散不著而領不倒在足也君無禭者國君陳衣乃斂恣宜用己衣不得陳用他人見禭送者大夫士畢主人之祭服者降於君

也大夫士小斂則先畢盡用已正服後乃用賓客禭者
也廬云畢盡也小斂盡主人衣美者乃用賓客禭衣之
美者欲以美之故言祭服也親戚之衣受之不以即陳
者君親屬有衣相送受之而不以即陳列也士喪禮鄭
注云大功以上有同財之義禭之不將命自即陳於房
中小功以下及同姓皆將命祭服無筭者筭數也大斂
之時所有祭服皆用之無限數也注正義曰如皇氏之
意臣有致禭於君之禮故少儀云臣致禭於君但君不
陳不以斂熊氏云君無禭大夫士謂小斂之時君不合
以衣禭大夫士雖有君禭不陳不以斂故云無禭大夫
士至大斂則得用君禭故士喪禮大斂時云君禭祭服
不倒其義俱通故兩存焉君衣尚多去其著也者經云
大夫士猶小斂則復衣復衾也據主人之衣故用
復若禭亦得用裕也故士喪禮云禭以褶是也

袍必有表不禫衣必有裳謂之一稱注袍褻衣必有以

表之乃成稱也雜記曰子羔之襲繭衣裳與稅衣纁襖

為一是也論語曰當暑袷絺綌必表而出之亦為其襲

也音義

袍步毛反禪音單繭古典反稅吐亂反纁許云反襖而廉反袷之忍反亦為于偽反下文則為

之疏正義曰袍必有表不禪者袍是襲衣必須在上有

同疏衣以表之不使禪露乃成稱也注正義曰引雜記

者證子羔之襲有袍繭衣上加稅衣為表乃成稱引論

語者證衣上加表死則冬夏並用袍上並加表熊氏云

襲衣所用尊卑不同士襲而用襲衣故士喪禮陳襲事

爵弁服皮弁服祿衣純衣注云祿所以表袍者是襲有

袍士喪禮小斂云祭服次散衣次注云祿衣以下袍繭

之屬是小斂有袍士喪禮又大斂散衣是亦有袍若大

夫襲亦有袍案雜記云子羔之襲繭衣裳是也斂則必

用正服不用襲衣故檀弓云季康子之母死陳襲衣注

云將以斂敬姜曰將有四方之賓來褻衣何為陳於斯命徹之若公則襲及大小斂皆不用褻衣知者案雜記云公襲無袍繭襲輕尚無則大小斂無可知也

凡陳衣者實之篋取衣者亦以篋升降者自西階注取

猶受也音義

篋苦協反

凡陳衣不誦非列采不入締綌紵不

入注不誦謂舒而不卷也列采謂正服之色也締綌紵

者當暑之褻衣也襲尸重形冬夏用袍及斂則用正服

音義

誦丘勿反紵直呂反

疏

正義曰陳衣不誦者謂舒而不卷也非列采不入者列采謂五方正色之

采非列采謂雜色也不入陳之也締綌紵不入者締是細葛綌是麤葛紵是紵布此褻衣故不入陳也注正義

曰如熊氏之意此謂大夫以下若公則襲亦不用袍

凡斂者袒遷尸者襲注袒者於事便也音義

便婢面反

君之

喪大胥是斂衆胥佐之大夫之喪大胥侍之衆胥是斂

士之喪胥為侍士是斂注胥樂官也不掌喪事胥當為

祝字之誤也侍猶臨也大祝之職大喪贊斂喪祝卿大

夫之喪掌斂士喪禮商祝主斂音義

大胥依注作祝之六反下同胥樂官

思餘疏

正義曰此一節明斂之所用之人有袒有襲之法凡斂者袒者凡斂謂執大小斂事也事多故

袒為便也遷尸者襲者謂大斂於地乃遷尸入棺之屬事少故襲也君之喪者此明人君斂用人之法大胥是

斂者大祝是接神者故使之執斂事也是猶執也衆胥
佐之者衆祝喪祝也衆祝賤故副佐於大祝也大祝之
喪大胥侍之者大祝猶君之大祝也侍猶臨也君尊故
大祝親執斂大夫卑故大祝臨之衆胥是斂者衆祝周
禮喪祝卑故親執斂也庾云侍者臨檢之也大夫言侍
則君亦應有侍者未知何人也士之喪胥為侍者胥亦
喪祝也士卑故祝臨之士是斂者士之朋友來助斂也
士喪禮云士舉遷尸是也注正義曰知胥當為祝者以
胥是樂官不掌斂事故引大祝大喪贊斂及喪祝卿大
夫之喪掌斂并引士喪禮商頌祝主斂明諸祝主斂也
故引此文以證之商祝者案士喪禮注云商
祝祝習商禮者商人敬之以敬於接神宜也

小斂大斂祭服不倒皆左衽結絞不紐注左衽衽鄉左

反生時也音義

紐女九反舊而疏

正義曰此一節明斂祭

服不倒者大斂亦不倒前已言小斂不倒此又言小斂者為下諸事出也皆左衽者大斂小斂同然故云皆也衽衣襟也生鄉右左手解抽帶便也死則襟鄉左示不復解也結絞不紐者生時帶並為屈紐使易抽解若死則無復解義故絞束畢結之不為紐也

斂者既斂必哭士與其執事則斂斂焉則為之壹不食

凡斂者六人注斂者必使所與執事者不欲妄人褻之

執或為斂音義

與音預注同執音做本亦作斂

疏正義曰斂者即謂大祝衆祝之屬也既斂

是斂竟也斂竟必皆哭也所以然者以其與亡者或臣舊或有恩今手為執事專心則增感故哭也士與其執事則斂者釋前士是斂義也與執事謂平生曾與亡者共執事今與喪所則助斂也所以須生經共執事死乃

為斂者若不經共執事則褻惡之故不使斂也斂焉則為之壹不食者生經有恩今又為之斂為之廢壹食也凡斂者六人者凡者貴賤同也兩邊各三人故用六人

君錦冒黼殺綴旁七大夫玄冒黼殺綴旁五士緇冒黼殺綴旁三凡冒質長與手齊殺三尺自小斂以往用夷

衾夷衾質殺之裁猶冒也注冒者既襲所以韜尸重形也殺冒之下韜韜足上行者也小斂又覆以夷衾裁猶

制也字或為材音義

冒莫報反下及注同黼音甫殺色戒反徐所例反下及注同裁才再

反注同韜本又作

疏

正義曰此一經明尊卑冒制君錦冒黼殺者冒謂襲後小斂前所用

以韜尸也。冒有質殺者，作兩裳，每輒橫縫合一頭，又縫連一邊，餘一邊不縫，兩裳皆然也。上者曰質，下者曰殺。君質用錦，殺用黼，故云錦冒黼殺也。故鄭注士喪禮云：冒韜尸者，制如直囊，上曰質，下曰殺，質正也。其用之先以殺韜足而上，後以質韜首而下。綴旁七者，不縫之邊，上下安七帶，綴以結之，故云綴旁七也。大夫玄冒黼殺，綴旁五士，緇冒頰殺，綴旁三者，尊卑之差也。鄭注士喪禮云：上玄下纁，象天地也。以此推之士，頰殺則君大夫畫殺為斧文也。又鄭云：象天地則大夫以上無疑有象也。凡冒質長與手齊者，凡謂貴賤冒通名也。言冒之質從頭韜來，至下長短與手相齊也。殺三尺者，殺從足韜上長三尺，自小斂以往，用夷衾者，往猶後也。小斂前有冒，故不用夷衾，自小斂後，衣多不可用冒，故用夷衾覆之也。士喪禮云：無用夷衾覆尸，柩之衾也。夷衾質殺之裁猶冒也者，裁猶制也。言夷衾所用上齊於手下三尺，所用繒色及長短制度如冒之質殺也。但不復為囊及

旁綴也熊氏分質字屬上殺字屬下為句其義非也然始死無用斂衾是大斂之衾自小斂以前覆尸至小斂時君錦衾大夫編衾士緇衾用之小斂斂訖別制夷衾以覆之其小斂以前所用大斂之衾者小斂以後停而不用至將大斂及陳衣又更制一衾主用大斂也所謂大斂二衾者其夷衾至大斂時所用無文當應總入大斂衣內併斂之也

君將大斂子弁經即位于序端卿大夫即位于堂廉楹西北面東上父兄堂下北面夫人命婦尸西東面外宗房中南面小臣鋪席商祝鋪絞給衾衣士盥于盤上士舉遷尸于斂上卒斂宰告子馮之踊夫人東面亦如之

注子弁經者未成服弁如爵弁而素大夫之喪子亦弁

經音義

鋪普吳反又音敷下皆同

疏

正義曰此一經明君大斂時節也子弁經即位于序端者序謂

東序端謂序之南頭也卿大夫即位于堂廉楹西者卿大夫謂羣臣也堂廉謂堂基南畔廉稜之上楹謂南近也案隱義云堂廉即堂上近南雷為廉也北面東上者在基上俱北面東頭為上也子在東尸在阼階故在基者以東為上也父兄堂下北面者謂諸父諸兄不仕者以其賤故在堂下而向北以東為上也若士則亦在堂下外宗房中南面者外宗君之姑姊妹之女及姨舅之女也輕故在房中而鄉南也皇氏云當在西房以東為上也今謂尸在阼夫人命婦在尸西北外宗等當在東房小臣鋪席者謂下莞上簟數於阼階上供大斂也士喪禮云布席如初注云亦下莞上簟也鋪於阼階上於

堂南北為少南商祝鋪絞紵衾衣者商祝亦是周禮喪
祝也其鋪絞紵衾衣等致于小臣所鋪席上以待尸士
盥于盤上者士亦喪祝之屬也周禮喪祝上士二人中
士四人下士八人是將應舉尸故先盥手於盤上也雜
記云士盥于盤北是也士舉遷尸于斂上者斂上即斂
處也卒斂者大斂衣裝畢也宰告者宰大宰也斂畢大
宰告孝子道斂畢也子馮之踊者孝子待得告乃馮尸
而起踊夫人東面亦如之者亦馮尸而踊孺者夫人命
婦俱東鄉於尸西今獨云夫人馮者命婦賤不得馮也
馮竟乃斂於棺注正義曰成服則著喪冠此云弁經是
未成服此雖以大斂為文其小斂時子亦弁經君大夫
士之子皆然故雜記云小斂環經公大夫士一也云弁
如爵弁而素者已具於下檀弓疏云大夫之喪子亦弁
經者案雜記云大夫與殯亦弁經與他殯事尚弁經明
自為父母弁經可知其士則素冠故武
叔小斂投冠是諸侯大夫與天子士同

大夫之喪將大斂既鋪絞紵衾衣君至主人迎先入門
右巫止于門外君釋菜祝先入升堂君即位于序端卿
大夫即位于堂廉楹西北面東上主人房外南面主婦
尸西東面遷尸卒斂宰告主人降北面于堂下君撫之
主人拜稽顙君降升主人馮之命主婦馮之注先入右
者入門而右也巫止者君行必與巫巫主辟凶邪也釋
菜禮門神也必禮門神者禮君非問疾弔喪不入諸臣
之家也主人房外南面大夫之子尊得升視斂也音義

巫止本或作巫止門外門外疏正義曰此一經明大夫
衍字耳辟必亦反邪似嗟反大斂節也主人迎者主
人適子也聞君至而出門迎君也先入門右者右門內
東邊也適子出門迎君望見馬首不哭不拜而先還入
門右北面以待君至也士喪禮云見馬首不哭還入門
右北面注云不哭厭於君不敢伸其私恩也巫止于門
外者君臨臣喪巫祝桃茢以辟邪氣今至主人門恐主
人惡之故止巫于門外也士喪禮云巫止於廟門外祝
代之巫止祝代具在檀弓疏也君釋菜者鄭云釋菜禮
門神也禮君非問疾弔喪不入諸臣之家故禮門神而
入也祝先入升堂者巫止而祝代入故先於君而入門
升自阼階也祝以其事接通鬼神者也君即位于序端
者君隨祝後而升堂即位於東序之端阼階上之東是
適子臨斂處也士喪禮云君升自阼階西鄉主人房外
南面者主人鄉者在門右君升則主人亦升立君之北
東房之外面鄉南俱欲視斂也遷尸者鄉鋪絞衾衾衣

而君至今列位畢故舉尸于鋪衣上也宰告者亦告主人道斂畢也主人降北面于堂下者主人得告斂畢事竟故降西階堂下而鄉北立待君也君撫之者君臣情重方為分異故斂竟而君以手撫案尸與之別也主人拜稽顙者主人在堂下鄉北見君撫尸故拜稽顙以禮君之恩君降者君撫尸畢而下堂也升主人馮之者君馮之已畢降堂而主人升還馮尸也升主人者君命升之也主人升降皆西階也士喪禮云主人中庭君坐撫當心主人拜稽顙君降西鄉命主人馮尸主人升自西階由足西面馮尸不當君所命主婦馮尸主人升自西主婦馮尸也注正義曰所以巫止者禮敬主人故不用將巫入對尸柩云君非問疾弔喪不入諸臣之家者禮運文也云大夫之子尊得升視斂也者以士喪禮其子不得升今大夫之子將斂之時在房外南面故云大夫之子尊得升視斂也

士之喪將大斂君不在其餘禮猶大夫也注其餘謂卿

大夫及主婦之位疏

正義曰此一節明士斂之節士喪卑無恩君不視斂故云君不在也

其餘禮猶大夫也者謂鋪衣列位男女之儀事悉如大夫也若有大夫來而君在位則卿大夫位亦在堂廡近西也士喪禮云君升主人主人西楹東北面升公卿大夫繼主人東上案彼意則在主人西也

鋪絞紼踊鋪衾踊鋪衣踊遷尸踊斂衣踊斂衾踊斂絞

紼踊注目孝子踊節疏

正義曰此一經明孝子貴賤踊節也

君撫大夫撫內命婦大夫撫室老撫姪娣注撫以手案

之也內命婦君之世婦音義

姪大結反娣大計反

君大夫馮父母

妻長子不馮庶子士馮父母妻長子庶子庶子有子則

父母不馮其尸凡馮尸者父母先妻子後注目於其親

所馮也馮謂扶持服膺音義長丁丈反下同膺於陵反君於臣撫之

父母於子執之子於父母馮之婦於舅姑奉之舅姑於

婦撫之妻於夫拘之夫於妻於昆弟執之注此恩之深

淺尊卑之儀也馮之類必當心音義奉芳勇反拘音馮俱一音古侯反

尸不當君所注不敢與尊者所馮同處音義處昌慮反凡馮

尸興必踊注悲哀之至馮尸必坐疏正義曰此一節明撫尸及馮尸之節

君撫大夫者大夫貴故自撫之撫內命婦者命婦君之世婦撫內命婦則不撫賤者可知也大夫撫室老撫姪娣者大夫以室老為貴臣以姪娣為貴妾死則為之服故並撫之也既撫姪娣則賤妾不撫也君大夫馮父母妻長子者君及大夫雖尊而自主此四人喪故同馮之馮父母撫妻子而并云馮通言耳不馮庶子者賤故不得也士馮父母妻長子庶子者士賤故所馮及庶子也庶子有子則父母不馮其尸者庶子若有子則父母亦不馮前所馮之庶子是無子者也然君大夫之庶子雖無子並不得馮也凡馮尸者父母先妻子後者凡主人也父母妻子謂尸之父母妻子也父母尊故馮尸在先妻子卑故馮尸在後君於臣撫之者此以下自恩深淺尊卑馮撫之異也君尊但以手撫案尸心身不服膺也盧云賤者畧也父母於子執之者盧云執當心上衣也子於父母馮之者謂服膺心上也婦於舅姑奉之者盧云尊故捧當心上衣也舅姑於婦撫之者亦手案尸心

與君為臣同也妻於夫拘之者盧云拘輕於馮重於執也庾云拘者微引心上衣也賀云拘其衣衾領之交也夫於妻於昆弟執之者為妻及自為兄弟但執之盧無別釋而賀云夫於妻執其心上衣也於兄弟亦執心上衣馮尸不當君所者所猶處也假令君已馮心則餘人馮者不敢當君所馮之處則宜少避之凡馮尸興必踊者凡者貴賤同然也馮尸竟則起但馮必哀殞故起必踊泄之也注正義曰目於其親謂死者之親馮尸也父母先謂死者父母妻子後是死者之妻子故云目於其親所馮謂題目所馮之人此恩之深淺尊卑之儀也者馮者為重奉次之拘次之執次之尊者則馮奉卑者則撫執執雖輕於撫而恩深故君於臣撫父母於子執是兼有尊卑深淺云馮之類必當心者士喪禮君坐撫當心此下云馮尸不敢當君所明君不撫得當君所也

父母之喪居倚廬不塗寢苦枕函非喪事不言君為廬

宮之大夫士禮之注宮謂圍障之也禮袒也謂不障音

義倚於綺反苦始占反枕之鴉反凶苦內疏正義曰自反禮章善反注同露也障音章下同此以下至

兄不次於弟明君大夫士遭喪斬衰齊衰大功等居廬及墜室至祥禮以來降殺之節各依文解之此一經論

初遭喪君大夫士居廬之禮居倚廬者謂於中門之外東牆下倚木為廬故云居倚廬不塗者但以草夾障不

以泥塗之也寢苦枕凶者謂孝子居於廬中寢卧於苦頭枕於凶非喪事不言者志在悲哀若非喪事口不言

說君為廬宮之者謂廬外以帷障之如宮牆大夫士禮之者禮袒也其廬袒露不惟障也祭既夕禮注云倚木

為廬在中門外東方北戶定本無枕凶字唯有寢苦二字

既葬柱楣塗廬不於顯者君大夫士皆宮之注不於顯

者不塗見面音義

拄張主反楣音
眉見賢遍反

疏

正義曰既葬拄楣者既葬情殺故拄

楣稍舉以納日光又以泥塗辟風寒不於顯者言塗廬不塗廬外顯處君大夫士皆宮之者以大夫士既葬故得皆宮之

凡非適子者自未葬以於隱者為廬注不欲人屬目蓋

廬於東南角既葬猶然音義

適丁歷反屬音燭

疏

正義曰凡非適子謂庶子

也自未葬以於隱者為廬者既非喪主不欲人所屬目故於東南角隱映處為廬經雖云未葬其實葬竟亦然也

既葬與人立君言王事不言國事大夫士言公事不言

家事注此常禮也疏

正義曰此一經明居喪常禮既葬與人立者未葬不與人並立既葬

後可與人並立也猶不羣耳君言王事不言國事者君諸侯王天子也既可並立則諸侯可得言於天子之事而猶不自私言已國事也大夫士言公事不言家事者公君也大夫士葬後亦得言君事而未可言私事也注正義曰庾氏云案曾子問三年之喪練不羣立不旅行此言既葬而與人立得為常禮者鄭以下經君既葬王政入於國既卒哭而服王事是權禮故以此經不言國事及不言家事大判為常禮也且曾子問據無事之時故不羣立不旅行此有事須言故與人立也

君既葬王政入於國既卒哭而服王事大夫士既葬公政入於家既卒哭弁經帶金草之事無辟也注此權禮

也弁經帶者變喪服而弔服輕可以即事也音義

辟音避下

注猶疏

正義曰此一經是權禮也若值國家有事孝子不得遵恒禮故從權事此云既葬謂葬竟未卒

哭也王政入於國者謂王政令之事入於已國也既卒

哭而服王事者謂身出為王服金草之事也庾云謂此

言君既葬王政便入國候卒哭乃身服王事前云君言

王事謂言答所訪逮而已王政未入於國也大夫士既

葬公政入於家者亦權事也謂國之政令入大夫家也

既卒哭弁經帶金草之事無辟也者此謂服國事也弁

經帶者弔服也言卒哭則有變服今有事不得服已變

服而服弔服以從金草之事無所辟也變服重弔服輕

故從戎便也此與君互也此言服弁經則國君亦弁經

國君言服王事則此亦服國事也但君尊不言奪服耳

然此云弁經帶弁經謂弔服帶謂喪服要經明雖弔服

而有要經異凡弔也注正義曰案曾子問云金草之事

無辟也者魯公伯禽
有為為之是權禮也

既練居堊室不與人居君謀國政大夫士謀家事既祥

黝堊祥而外無哭者禫而內無哭者樂作矣故也注黝

堊堊室之飾也地謂之黝牆謂之堊外無哭者於門外

不哭也內無哭者入門不哭也禫踰月而可作樂樂作

無哭者黝堊或為要期禫或皆作道音義黝於糾反堊

各反注同禫大疏正義曰此一經論練及祥禫之節不

感反道音導與人居者謂在堊室之中猶不與人

居也君謀國政大夫士謀家事者此常禮也練後漸輕

故得自謀已國家事也既祥黝堊者祥大祥也黝黑也

平治其地令黑也。堊白也。新塗堊於牆壁令白稍飾故也。祥而外無哭者。祥亦大祥也。外中門外即堊室中也。祥之日鼓素琴。故中門外不哭也。禫而內無哭者。內中門內也。禫已縣八音於庭。故門內不復哭也。樂作矣。故也者。二處兩時不哭。是並有樂作故也。隱義云。練後三日一哭於次。次在中門外。謂堊室也。至大祥則不復於外。若有弔者。則入即位哭。是外無哭者。注正義曰。黝謂治堊室之地。堊謂塗堊室之牆。云地謂之黝。牆謂之堊者。釋宮文云。禫踰月而可作樂者。檀弓云。魯人有朝祥而莫歌者。孔子曰。踰月則其善也。是祥踰月而可作樂也。云樂作無哭者。以其樂作故無哭。如鄭此注之意。以祥踰月作樂。故禫時無哭矣。則經云樂作之文。但釋禫時無哭之意。不釋祥之無哭。皇氏以為祥之日鼓素琴。樂作之文。釋二處兩時無哭。與鄭注違。皇說非也。定本禫踰月作樂。祥字作禫。字禫之踰月。自然從吉。樂作可知。恐禫字非也。

禫而從御吉祭而復寢注從御御婦人也復寢不復宿

殯宮也音義

不復扶又反

期居廬終喪不御於內者父在為

母為妻齊衰期者大功布衰九月者皆三月不御於內

婦人不居廬不寢苦喪父母既練而歸期九月者既葬

而歸注歸謂歸夫家也音義

期音基下同為母為並于偽反下為之賜注為之則

為並疏

正義曰此一經明釋禫節言禫時從御婦人於內也吉祭而復寢者謂禫祭之後同月之內值

吉祭之節行吉祭訖而後復寢若不當四時吉祭則踰

月吉祭乃復寢故士虞記云中月禫是月也吉祭猶未

配注云是月是禫月也當四時之祭月則祭也亦不待

踰月故熊氏云不當四時祭月則待踰月也案間傳既

祥復寢與此吉祭復寢不同者彼謂不復宿中門外復於殯宮之寢此吉祭後不復宿殯宮復於平常之寢文雖同義別故此注不復宿殯宮也明大祥後宿殯宮也杜預以為禫而從御謂從政御職事鄭必為御婦人者下文云期居廬終喪不御於內既言不御於內故知此御是御婦人也喪父母既練而歸期九月者既葬而歸注正義曰女子出嫁為祖父母及兄弟為父後者皆期九月謂本是期而降在大功者案喪服女子為父母卒哭折筭首玄謂卒哭喪之大事畢可以歸於夫家此云既練歸不同者熊氏云喪服注云卒哭可以歸是時在練後也歸之節其實歸

公之喪大夫俟練士卒哭而歸注此公公士大夫有地

者也其大夫士歸者謂素在君所食都邑之臣疏曰正義

一經明公士大夫有地之君喪其臣歸之節公之喪者
 臣下呼此有地大夫之君為公故云公之喪大夫俟練
 者此君下之臣大夫待練而歸注正義曰知此公是公
 士大夫有地者以其臣大夫待練士待卒哭故知非正
 君若正君案雜記大夫次於公館以終喪士練而歸彼
 謂正君與此殊故知此非正君云其大夫士歸者謂素
 在君所食都邑之臣者皇氏云素先也君所食都邑謂
 公士大夫之君采地言公士大夫在朝廷而死此臣先
 在其君所食之采邑故云素在君所食都邑之臣君喪
 而來服至小祥而各反故云歸也皇氏所解於文為便
 然唯據國中而死若在采邑理則不包也熊氏云素在
 君所謂此家臣為大夫者素先在君所食都邑之臣謂
 家臣不在君所出外食都邑者今君喪皆在若大夫士
 練及卒哭後素在君所者歸於家素食都邑者歸於都
 邑若如熊氏解鄭當云素在君所及
 食都邑之臣今不云及其義疑也

大夫士父母之喪既練而歸朔月忌日則歸哭于宗室
諸父兄弟之喪既卒哭而歸注歸謂歸其宮也忌日死
日也宗室宗子之家謂殯宮也禮命士以上父子異宮

音義

上時疏

正義曰此一經明庶子遭喪歸家之節大夫士謂庶子為大夫士也禮命士以上父

子異宮故大夫士有父母之喪至小祥各歸其宮也隱

義曰大夫士父母之喪既小祥而歸庶子為大夫士者也適子終喪在殯宮也朔月忌日則歸哭于宗室者朔月朔望也忌日死日也宗室適子家殯宮也雖練各歸至忌日及朔望而歸殯宮也諸父兄弟之喪既卒哭而歸者諸父諸兄弟並期為輕故至卒哭而各歸賀氏云此弟謂適弟則庶兄為之次云至卒哭乃歸也下云兄不次於弟謂庶弟也

父不次於子兄不次於弟注謂不就其殯宮為次而居

疏

正義曰喪既卑故尊者不居其殯宮次也

君於大夫世婦大斂焉為之賜則小斂焉注為之賜謂

有恩惠也疏

正義曰此經以下至君退必奠明君於大夫及士并夫人於大夫士恩賜弔臨主人

迎送之節各隨文解之此一經論君於大夫世婦之禮此世婦謂內命婦大斂為常為之恩賜則小斂而往然則君於大夫大斂是常小斂是恩賜案隱元年公子益師卒公不與小斂故不書日者熊氏云彼謂卿也卿則小斂焉為之賜則未襲而往故昭十五年有事于武宮籥入叔弓卒去樂卒事公羊云君聞大夫之喪去樂卒事而往可也故鄭云去樂卒事而往未襲也是於外命卿未襲而往案柳莊非卿衛君即弔急弔賢也

婦既加蓋而君至注於臣之妻畧也疏

正義曰外命婦思輕故既大斂

入棺加蓋之後而君至也則知大夫及世婦未加蓋以前君至也

於士既殯而往為之

賜大斂焉夫人於世婦大斂焉為之賜小斂焉於諸妻為之賜大斂焉於大夫外命婦既殯而往大夫士既殯而君往焉使人戒之主人具殷奠之禮俟于門外見馬首先入門右巫止于門外祝代之先君釋菜于門內祝先升自阼階負墉南面君即位于阼小臣二人執戈立于前二人立于後注殷猶大也朝夕小奠至月朔則大

奠君將來則具大奠之禮以待之榮君之來也祝負壙南面直君北房戶東也小臣執戈先後君君升而夾階立大夫殯即成服成服則君亦成服錫衰而往弔之音

義

直如字又音值當也先後悉見反下胡豆反一音並如字夾古洽反

擯者進注當贊主

人也始立門東北面主人拜稽顙君稱言視祝而踊主人踊注稱言舉所以來之辭也視祝而踊祝相君之禮

當節之也音義

相息亮反下相君並同

疏

正義曰此一經明君賜及夫人於大夫士及妻

妾恩賜之差又明君弔士大夫之禮於諸妻為之賜大斂焉諸妻姪娣及同姓女也同士禮故為之賜之大斂

馬若夫人姪娣尊同世婦當大斂焉為之賜小斂焉於大夫外命婦既殯而往者謂夫人於大夫及外命婦既殯而往但有一禮無恩賜差降之事大夫士既殯而君往焉者君於大夫雖視大斂或有既殯之後而始往與上同也使人戒之者謂君將往使人豫戒告主人使知之主人具殷奠之禮者殷大也主人得君之戒告先備具月朔大奠之禮重君之來故也俟于門外者君來之時主人待於門外見馬首先入門右者謂見君馬首先君而入門右謂門東北面祝先升自阼階者君應升自阼階故祝先道君升阼階負墉南面者墉壁也祝先升阼階在君之北立於房戶之東皆負壁而鄉南也君即位于阼者主人不敢有其室故君位于阼而西鄉也小臣二人執戈立于前二人立于後者前後小臣各二人執戈辟邪氣也君升而小臣夾階北面俟君也盧云上言即位于序端謂君臨大夫將大斂時禮未成辟執事故即位于序端此是大夫士既殯而君往禮已成故即

位于阼階也擯者進擯謂贊於主人禮者擯者始在門東北面今君既升阼則此擯者進於孝子前告孝子使行禮也然喪贊曰相而此云擯者以君之弔禮無嫌擯道之義故得以擯言之也主人拜稽顙者以君臨視故主人于庭中北面拜而稽顙君稱言者稱舉也君舉其所來之言謂弔辭也舉言既畢當哭踊祝以相君祝先踊君乃視祝而踊君踊畢主人乃踊注正義曰直君北者直當也君既在阼階祝立當君北在房戶東而南鄉也云小臣執戈先後君君升而夾階立者顧命云夾階上及是夾階立也云大夫殯即成服者大夫除死日三日殯與成服同日主人既成服故君錫衰而往弔

大夫則奠可也士則出俟于門外命之反奠乃反奠卒奠主人先俟于門外君退主人送于門外拜稽顙注迎

不拜拜送者拜迎則為君之答已君於大夫疾三問之

在殯三往焉士疾壹問之在殯壹往焉注所以致殷勤

也疏

正義曰此一節明君來弔士與大夫其禮不同大夫則奠可也者君既在作主人在庭踊畢則釋此

殷奠于殯可也言對人君可為此奠士則出俟于門外者士卑不敢留君待奠故先出俟君於門外謂君將去也命之反奠乃反奠者君使人命反設奠士乃反入設奠也卒奠者設奠畢也主人先俟于門外者奠畢主人又先出門待君大夫士同然君退主人送于門外拜稽顙者出去也主人於門外送之而拜也注正義曰案曲禮凡非弔喪非見國君無不答拜然則喪法孝子拜賓無答拜之理今者君出孝子雖拜君無答理而云拜迎則為君之答已者以尋常禮敵孝子雖拜賓無答理今君來臨臣臣既拜迎尊卑禮隔意恐君之答已故不敢

拜迎案僖二十四年左傳宋先代之後於周為客有喪拜焉者謂其餘諸侯來弔國喪以其卑主不拜之若宗來弔王用敵禮拜謝之亦是主人拜賓之義也

君弔則復殯服注復反也反其未殯未成服之服新君

事也謂臣喪既殯後君乃始來弔也復或為服疏

正義曰謂

臣喪大斂與殯之時君有故不得來至殯後主人已成服而君始來弔主人則復殯服者復反也殯服謂殯時未成服之服主人于時反服此服新君之事其服則直經免布深衣也不散帶故小記云君弔雖不當免時也主人必免不散麻注云為人君變貶於大斂之前既啓之後也

夫人弔於大夫士主人出迎于門外見馬首先入門右

夫人入升堂即位主婦降自西階拜稽顙于下夫人視世子而踊奠如君至之禮夫人退主婦送于門內拜稽顙主人送于大門之外不拜注視世子而踊世子從夫人夫人以為節也世子之從夫人位如祝從君也疏

正義

曰此一經明夫人弔臣禮先入門右者門亦大門也謂孝子迎君之妻禮亦如迎君禮也夫人入升堂即位者亦升階階西鄉如君也主婦降自西階拜稽顙于下者主婦臣妻也既夫人來弔故婦人為主人當夫人升堂即位時而主婦從西階而下拜稽顙於堂下如男主也夫人視世子而踊者世子夫人之世子隨夫人來也夫人來弔則世子在前道引其禮如祝道君也奠如君至之禮者亦先戒乃具殷奠夫人即位哭後主婦拜竟而

設奠事如君弔禮者若士則亦主人先出而聽命反奠也夫人退主婦送于門內拜稽顙者門寢門也婦人迎送不出門故夫人去於路寢門內而拜送之而不拜迎而拜送之義與君同也主人送于大門之外不拜者亦如送君也而不拜者喪無二主主婦已拜故主人不拜

大夫君不迎于門外入即位于堂下主人北面衆主人南面婦人即位于房中若有君命命夫命婦之命四隣賓客其君後主人而拜注人即位于下不升堂而立阼階之下西面下正君也衆主人南面於其北婦人即位於房中君雖不升堂猶辟之也後主人而拜者將拜賓

使主人陪其後而君前拜不俱拜者主人無二也音義

下正戶疏正義曰此一節明大夫君之禮不迎于門外
嫁反者貶於正君謂大夫下臣稱大夫為君故曰

大夫君也入即位于堂下者阼階下也大夫君入寢門
不得升堂乃即阼階下位而西鄉也主人北面者主人
適子也其君既即阼階下位故適子辟之位所以在君
之南北面也衆主人南面婦人即位于房中者婦人之
位在堂其君既來故婦人並為位于東房中也然此言
婦人即位房中非止大夫之君亦總正君來禮如此也
又不言大夫之君妻來者當同夫人禮也又前君臨大
斂云主婦尸西不言辟者大斂哀深故不辟君今既殯
後哀殺故辟也亦與前互也若有君命夫命婦之命
四隣賓客其君後主人而拜者若當此大夫君來弔時
或有其本國之君命或有國中大夫命婦之命或有昔
經使四隣之國卿大夫遣使來弔若或有此諸賓在庭

則此大夫之君代主人拜命及拜諸賓也所以爾者喪用尊者拜賓故也君雖代為主拜賓而猶不敢同於國君專代為主故以主人陪置君之後也主人在君後而拜謂君先拜主人後拜也注正義曰婦人即位於房中者東房中云君雖不升堂猶辟之也者以婦人合在尸西東面君來升堂婦人辟之在房中今大夫君來雖不升堂婦人猶辟之於房中也然案未大斂之前君雖來主婦猶在尸西其既殯已後君雖來不顯婦人之位今此大夫君云婦人即位房中明正君既殯而來婦人亦即位房中也故云猶辟之云而君前拜不俱拜者主人無二也者以經云其君後主人而拜是君在前主人在後又君拜在前主人拜在後是主人立與拜皆在君後不與君同時拜君既為主當推君在前故云主人無二也

君弔見尸柩而后踊注塗之後雖往不踊也踊或為哭

或為浴疏

正義曰君弔臣唯見尸柩乃踊者若不見尸柩則不踊案前文既殯君往視祝而踊殯後

有踊者皇氏云雖殯未塗則得踊故鄭此注云塗之後雖往不踊也是既殯未塗得有踊也

大夫士若君不戒而往不具殷奠君退必奠注榮君之

來疏

正義曰君不先戒故臣不得具殷奠君退必奠者君來不先戒當時雖不得殷奠而君去後必設奠

告殯以榮君來故也

君大棺八寸屬六寸禭四寸上大夫大棺八寸屬六寸

下大夫大棺六寸屬四寸士棺六寸注大棺棺之在表

者也檀弓曰天子之棺四重木兕草棺被之其厚三寸

柩棺一梓棺二四者皆周此以內說而出也然則大棺及屬用梓柩用柩以是差之上公草棺不被三重也諸侯無草棺再重也大夫無柩一重也士無屬不重也庶人之棺四寸上大夫謂列國之卿也趙簡子云不設屬

柩時僭也音義

屬音燭後皆同柩步履反重直龍反下同兕詞履反被音皮下同厚戶豆反柩

以支反差初佳反徐初宜反僭子念反

疏正義曰此一節以下至篇末總論君大夫士等棺槨及飾棺之

異并碑絆之殊各依文解之此一經論君大夫士等棺槨厚薄之制禮天子之棺四重故檀弓云水兕草棺被之其厚三寸柩棺一注云所謂柩棺梓棺二注云所謂屬與大棺然則天子四重之棺都合厚二尺四寸也若

上公棺則去水皮所餘三重合厚二尺一寸也若侯伯子男則又去兕皮但餘三棺為二重合厚一尺八寸也若上大夫則又去禭所餘屬六寸及大棺八寸為一重合厚一尺四寸若下大夫亦有屬四寸及大棺六寸但寸數減耳大棺六寸屬四寸合厚一尺也若士則不重唯大棺六寸也君大棺八寸屬六寸禭四寸者屬六寸禭四寸二者合一尺就大棺八寸為一尺八寸上大夫大棺八寸屬六寸去禭四寸所餘二種合為一尺四寸下大夫大棺六寸屬四寸者各減二寸合餘一尺也士棺六寸者無屬唯大棺六寸也注正義曰以名大棺故知在表云四者皆周者謂水兕草棺柩棺禭棺等皆周於尸惟禭不周此以內說而出也者謂檀弓此文從內而說以次出外而謂近尸有水草次外有兕草次外有禭次外有屬次外有大棺云然則大棺及屬用禭禭用柩柩者以檀弓云柩棺一禭棺二從內出外而言此先云大棺及屬乃始云禭是從外鄉內而說故知大棺及屬

當梓棺也。禭當地棺也。云上公草棺不被三重也者以天子四上公三去其一重故知草棺不被但有兕也。云諸侯無草棺再重也者以此經但云君大棺屬禭不云草故知無草棺也。此君謂侯伯子男也。此經上下大夫但云大棺與屬無地禭是大夫無禭一重也。經唯云士棺六寸是士無屬不重也。案檀弓孔子為中都宰制四寸之棺五寸之槨是庶人之棺四寸。云趙簡子云不設屬禭時僭也者。案哀公二年趙簡子與鄭師戰于鐵簡子自誓云桐棺三寸不設屬。辟下卿之罰也。案此大夫依禮無禭。明簡子所云罰始無禭故知當時大夫常禮用禭是時僭也。

君裏棺用朱綠用雜金錯大夫裏棺用玄綠用牛骨錯

士不綠注錯所以琢著裏音義

錯子南反釘也琢涉角反本又作琢著直畧反

疏

正義曰此一經明裏棺之制裏棺謂以繒貼棺裏也

朱繒貼四方以綠繒貼四角定本經中綠字皆作琢

琢謂錯琢朱繒貼著於棺也用雜金錯者錯釘也舊說

云用金釘又用象牙釘雜之以琢朱綠著棺也隱義云

朱綠皆繒也雜金錯尚書曰貢金三品黃白青色大夫

裏棺用玄綠者四面玄四角綠用牛角錯者不用牙金

也士不綠者悉用玄也亦同大夫用牛角錯不言從可知也

君蓋用漆三衽三束大夫蓋用漆二衽二束士蓋不用

漆二衽二束注用漆者塗合牝牡之中也衽小要也音

義

要一遠疏正義曰此一經明衽束之數君蓋用漆者

反下同蓋棺上蓋用漆謂漆其衽合縫處也三衽

三束者衽謂燕尾合棺縫際也束謂以皮束棺也棺兩

邊各三衽每當衽上輒以牛皮束之故云三衽三束也

大夫蓋用漆二衽二束者以漆衽合縫處也大夫士橫
衽有二每衽有束故云二衽二束也士蓋不用漆二衽
二束者士卑故不漆也言二衽二束者與大夫同檀弓
云棺束縮二衡三者據君言也若大夫士橫唯二束此
文是也故鄭注司士云結披必當棺束於束繫紐天子
諸侯載柩三束大夫士二束喪大記曰君纁披六大夫
披四前纁後玄士二披用纁人君禮文欲其數多圍數
兩旁言六耳其實旁三是也皇氏不見鄭之此注以為
此經大夫士二衽二束者據披從
束而言其橫皆為三束其義非也

君大夫鬢爪實于綠中士埋之注綠當為角聲之誤也

角中謂棺內四隅也鬢亂髮也將實爪髮棺中必為小

囊盛之此綠或為萋音義

鬢音舜爪側巧反囊乃剛反
徐音託盛音成萋曹口反

疏正義曰此一節明鬻爪之異實于綠中者綠即棺角也其死者亂髮及手足之爪盛于小囊實于棺角之中士埋之者士賤亦有物盛髮爪而埋之注正義曰知綠當為角者上文綠為色以飾棺裏非藏物之處以綠與角聲相近經云綠中故讀綠為角

君殯用輜櫨至于上畢塗屋大夫殯以幬櫨置于西序塗不暨于棺士殯見社塗上帷之注櫨猶叢也屋殯上覆如屋者也幬覆也暨及也此記參差以檀弓參之天子之殯居棺以龍輜櫨木題湊象椁上四注如屋以覆之盡塗之諸侯輜不畫龍櫨不題湊象椁其他亦如之

大夫之殯廢輜置棺西牆下就牆攢其三面塗之不及棺者言攢中狹小裁取容棺然則天子諸侯差寬大矣士不攢掘地下棺見小要耳帷之鬼神尚幽闇也士達於天子皆然憐或作鏄或作塿音義

輜勅倫反攢才冠反下同憐音道注

同暨其器反注同見賢遍反注同菴才工反本亦作叢參初金反差初宜反題音啼湊七豆反注徐之樹反下同差寬初賣反又初佳反掘其越反又其勿反鏄徒對反又徒卧反又徒猥反塿依字支允反又支闕反徐都臥反沈疏正義曰此一經明尊卑殯之制度君殯用輜都雷反者君諸侯也殯時置棺於輜內攢至于上者以木攢輜至於棺上畢塗屋者畢盡也此所攢殯之大

有似屋形攢之既訖盡塗其屋也大夫殯以憐者憐覆

也謂棺衣覆之也大夫言憐覆則王侯並憐覆也謂棺衣覆之言大夫憐即加斧之類是也攢置于西序者屋堂西頭壁也大夫不輜又不四面攢以一面倚西壁而三面攢之又上不為屋也塗不登于棺者暨及也王侯塗之而攢廣去棺遠大夫亦塗而攢狹去棺近裁使塗不及棺故云不登棺也士殯見衽塗上惟之者士掘肆見衽其衽之上所出之處亦以木覆上而塗之故謂塗上也士喪禮云乃塗注云以木覆棺上而塗之為火備也惟之者惟障也貴賤悉然故朝夕哭乃徹帷也注正義曰云攢猶蔽也者謂蔽聚其木周於外也云屋殯上覆如屋者也解經畢塗屋屋是殯上之覆形似如屋故云如屋云此記參差者謂記此大記之文其事參差若君據天子應稱龍輜不得直云殯用輜若君據諸侯不得云攢至于上畢塗屋其文或似天子或似諸侯故云參差云以檀弓參之檀弓云天子之殯蔽塗龍輜以椁故知天子殯居棺以龍輜又云以椁故知攢木題湊象

椁云上四注如屋以覆之者謂上以四注垂而鄉下如
似屋簷以覆其上云蓋塗之者謂四邊及上皆塗之云
諸侯輜不畫龍櫓不題漆象椁者以檀弓唯云天子龍
輜此經直云君殯用輜不云龍是諸侯不當也謂不畫
其輅為龍檀弓唯云天子葢塗龍輜以椁則知諸侯不
題漆象椁云其他亦如之者除此龍輜題漆象椁之外
其他亦如之其他謂葢木畢塗屋亦如天子也必知天
子椁四阿者成二年左傳云宋文公卒椁有四阿是僭
天子禮但凡殯之禮天子先以龍輜置於客位殯處然
後從阼階舉棺於輜中輜外以木葢輜之四邊木高於
棺乃從上加綃黼於棺上然後以木題漆題頭也漆鄉
也謂以木頭相湊鄉內也象椁上之四注以覆之如屋
形以泥塗之於屋之上又加席三重於殯上其諸侯則
居棺以輜亦葢木輜外木高於棺後加布幕於棺上又
葢木於塗上不題漆象椁也雖不象椁亦中央高似屋
形但不為四注故經云畢塗屋總包君也塗上加席三

重云大夫之殯廢輜者案下檀弓云三臣廢輜據殯時也是大夫之殯廢輜云攢中狹小裁取容棺者以經云塗不暨于棺明其狹小卑者既狹則知天子諸侯差寬大矣云士達於天子皆然者謂皆惟之

熬君四種八筐大夫三種六筐士二種四筐加魚腊焉

注熬者煎穀也將塗設於棺旁所以感虻蚋使不至棺

也士喪禮曰熬黍稷各二筐又曰設熬旁各一筐大夫

三種加以梁君四種加以糈四筐則手足皆一其餘設

於左右音義

熬五羔反種章勇反下及注同疏正義曰

筐音匡腊音昔蚋音毗浮音浮此一經

明熬穀之異熬者謂火熬其穀使香欲使蚋蚋聞其香氣食穀不侵尸也加魚腊焉者魚腊謂乾腊案特牲士

腊用兔少牢大夫腊用麋天子諸侯無文當用六獸之屬亦為感蚍蟬注正義曰此云士二種四筐士喪禮熬黍稷各二筐又與此同故引之又引士喪禮云設熬旁一筐者證設熬之處云大夫三種加以梁者以曲禮云歲凶大夫不食梁明豐年常食梁故知大夫加以梁公食大夫禮黍稷稻粱云君四種加以稻四筐則手足皆一者當以士喪四筐設熬旁各一筐則兩旁有兩筐首有一筐足有一筐也云其餘設於左右者兩筐在首足以外皆設於左右旁也

飾棺君龍帷三池振容黼荒火三列黻三列素錦褚加偽荒纁紐六齊五采五貝黼翼二黻翼二畫翼二皆戴圭魚躍拂池君纁戴六纁披六大夫畫帷二池不振容

畫荒火三列黻三列素錦褚纁紐二玄紐二齊三采三
貝黻翼二畫翼二皆戴綏魚躍拂池大夫戴前纁後玄
披亦如之士布帷布荒一池揄絞纁紐二緇紐二齊三
采一貝畫翼二皆戴綏士戴前纁後緇二披用纁注飾
棺者以華道路及壙中不欲衆惡其親也荒蒙也在旁
曰帷在上曰荒皆所以衣柳也士布帷布荒者白布也
君大夫加文章焉黼荒緣邊為黼文畫荒緣邊為雲氣
火黻為列於其中耳偽當為帷或作于聲之誤也大夫

以上有褚以襯覆棺乃加帷荒於其上紐所以結連帷
荒者也池以竹為之如小車苓衣以青布柳象宮室縣
池於荒之爪端若承雷然云君大夫以銅為魚縣於池
下揄揄翟也青質五色畫之於絞繒而垂之以為振容
象水草之動搖行則又魚上拂池雜記曰大夫不揄絞
屬於池下是不振容也士則去魚齊象車蓋蕤縫合雜
采為之形如瓜分然綴貝落其上及旁戴之言值也所
以連繫棺束與柳材使相值因而結前後披也漢禮翼

以木為筐廣三尺高二尺四寸方兩角高衣以白布畫者畫雲氣其餘各如其象柄長五尺車行使人持之而從既窆樹於壙中檀弓曰周人牆置翬是也綏當為綏讀如冠蕤之蕤蓋五采羽注於翬首也音義

翬音弗褚張呂反下

同偽依注讀為惟位悲反齊如字徐才細反翬所甲反戴丁代反披彼義反徐甫髮反下同綏依注為綏音蕤耳佳反下同榆音遠注同紐女九反緇側其反壙古晁反惡烏路反衣於既反下衣以皆同以上時掌反下魚上同苓音零縣音玄下皆同搖音遙一音以照反去起呂反車蓋蕤絕句一讀以蕤向下瓜古華反分扶問反又皮莧反又夫云反廣古曠反高古報反又疏正義曰如字長直諒反又如字後放此從才用反

明莽時尊早棺飾君龍帷者君諸侯也惟柳車邊障也
以白布為之王侯皆畫為龍象人君之德故云龍帷也
三池者諸侯禮也池謂織竹為籠衣之青布挂著於柳
上荒邊爪端象平生宮室有承雷也天子生有四注屋
四面承雷柳亦四池象之諸侯屋亦四注而柳降一池
闕於後一故三池也振容者振動也容飾也謂以絞繒
為之長文餘如幡畫幡上為堆縣於池下為容飾車行
則幡動故曰振容黼荒者荒蒙也謂柳車上覆謂鼈甲
也緣荒邊為白黑斧文故云黼荒火三列者列行也於
鼈甲黼文之上荒中央又畫為火三行也火形如半環
也嚴三列者又畫為兩已相背為三行也素錦褚者素
錦白錦也褚屋也於荒下又用白錦以為屋也葬在路
象宮室也故雜記云素錦以為屋而行即褚是也加偽
荒者帷是邊牆荒是上蓋褚覆竟而加惟荒於褚外也
纁紐六者上蓋與邊牆相轉故又以纁為紐連之相著
旁各三凡用六紐故云纁紐六也齊五采者謂鼈甲上當

中央形圓如車蓋高三尺徑二尺餘五采謂人君以五采繒衣之列行相次故云五采也五貝者又連貝為五行交絡齊上也繡翼二徽翼二畫翼二者翼形似扇以木為之在路則障車入棹則障柅也凡有六枚二畫為繡二畫為徽二畫為雲氣諸侯六天子八禮器云天子八翼諸侯六大夫四鄭注縫人云漢禮器制度飾棺天子龍火繡散皆五列又有龍翼二其戴皆加璧也皆戴圭者謂諸侯六翼兩角皆戴圭玉也魚躍拂池者凡池必有魚故此車池縣絞雉又縣銅魚於池下若車行則魚跳躍上拂池也隱義曰振容在下是魚在振容間君纁戴六者事異飾棺故更言君也纁戴謂用纁帛繫棺紐若柳骨也謂之戴者戴值也使棺堅值棺橫束有三亦每一束兩邊輒各屈皮為紐三束有六紐今穿纁戴於紐以繫柳骨故有六戴也纁披六者纁謂亦用絳帛為之以一頭繫所連柳纁戴之中而出一頭於惟外人牽之每戴繫之故亦有六也謂之披者若牽車登高則

引前以防軒車適下則引後以防翻車歆左則引右歆
右則引左使車不傾覆也大夫畫帷者不得為龍畫為
雲氣二池者不得三故二也庾云兩邊而已賀云前後
各一不振容者謂不以揄絞屬於池下為振容故云不
振容也其池上揄絞則有也畫荒者不為斧而為雲氣
也火三列黻三列素錦褚者與君同也纁紐二玄紐二
者不得六故用四以連四旁也不并一色故二為纁二
為玄也齊三米者絳黃黑也二貝者又降二也黻翼二
畫翼二者降兩黼也皆戴綏者翼角不圭但用五采羽
作綏注翼兩角也魚躍拂池者無絞雉而有縣銅魚也
大夫戴前纁後玄者事異故更言大夫也降人君故不
並用纁也其數與披同用四也披亦如之者色及數悉
與戴同也士布帷布荒者士帷及荒皆白布為之而不
畫也一池者唯一池在前也揄絞者亦畫揄雉於絞在
於池上而池下無振容知者大夫既不振容明士亦不
振容於池下纁紐二緇紐二者又降玄用緇也猶用四

連四旁齊三采者與大夫同也一貝者又降二行但一行絡之耳畫翼二皆戴綬者又降二散也池上翼悉綬故云皆也士戴前纁後緇者事異故重言士也戴當棺東每束各在兩邊前頭二戴用纁後頭二戴用緇通兩邊為四戴舉一邊即兩戴也二披用纁者據一邊前後各一披故云二披用纁若通兩旁則亦四披也注正義曰以華道路及墻中者以翼入墻中則知餘物堪入墻中者皆入云荒蒙也者以爾雅荒蒙俱訓為奄故荒得為蒙云皆所以衣柳也者謂木材將此惟荒在外衣覆之故云皆所以衣柳云黼荒緣邊為黼文畫荒緣邊為雲氣者既云黼荒畫荒又云火三列黻三列火黻既為三列其處寬多宜在荒之中央則知黼之與畫宜在荒之外畔云偽當為帷或作于者偽字與帷聲相近又諸本偽字作于者于帷聲又相近因聲相近而遂誤作偽字或作于字故云聲之誤也云紐所以結連帷荒者荒在上帷在旁屬紐以結之與束棺屬披之紐別也故鄭

注司士云謂結披必當棺束於東繫紐是披紐與此異也云池以竹為之如小車笭衣以青布者鄭以漢之制度而知如小車笭者以小車之箱必猶狹長故云如小車笭云縣池於荒之爪端若承雷然云者荒之爪謂荒之材出外若人之指爪而縣此池於荒之爪端其池若宮室之承雷然云語辭也云以銅為魚縣於池下者以參漢之制度而知也云揄揄翟也青質五色者爾雅釋鳥文經云揄紋故知畫揄於紋繒也經云振容故知垂之以為振容象水草之動搖云行則又魚上拂池者以經云魚躍拂池躍是鄉上之名非行不動故知行則魚上拂池引雜記曰大夫不揄紋屬於池下是不振容也者此經云不振容雜記云大夫不揄紋屬於池下若屬於池則振容不屬於池下是不振容也云士則去魚者言士同大夫不振容更又去魚故云士則去魚此云士揄紋明大夫亦揄紋但大夫不以揄紋屬於池下為振容而皇氏不解鄭之此旨謂大夫不揄紋而有銅魚士

無銅魚而有揄絞以為魚陰而絞陽大夫偏君故奪其陽不尋其義一何疏妄之甚云齊象車蓋蕤者凡車蓋四面有垂下蕤今此齊形象此車蓋及蕤謂上象車蓋旁象蓋蕤云縫合雜采為之形如瓜分然者言齊形既圓上下縫合雜采豎有限攝如瓜內之子以穰為分限然也皇氏云如虎掌之爪皮外其色有部分若然此注唯據班瓜事恐不合耳云所以連繫棺束與柳材使相值因而結前後披者謂用此戴索連繫棺束之紐與外畔柳材使相當值謂連棺著柳將披一頭以結此戴更垂披頭鄉外使人執之備柩車傾動云以木為筐者謂以木為翼之筐若門戶四面筐也云廣三尺高二尺四寸方兩角高者謂廣方正不圓曲也云綏當為綏至翼首也者以周禮夏采掌染鳥羽為夏翟之色故名夏采其職掌復建綏故知綏五采羽注翼首謂翼之兩角諸侯則戴以圭

君葬用輜四綰二碑御棺用羽葆大夫葬用輜二綰二碑御棺用茅士葬用國車二綰無碑比出宮御棺用功布注大夫廢輜此言輜非也輜皆當為載以輅車之輅聲之誤也輅字或作圉是以文誤為國輅車柩車也尊卑之差也在棺曰綰行道曰引至壙將窆又曰綰而設碑是以連言之碑桓楹也御棺居前為節度也士言比出宮用功布則出宮而止至壙無矣綰或為率音義

輜依

注音輅市專反下同王勅倫反綰音弗碑彼皮反御棺一本作御柩葆音保用國依注亦作輅市專反王如字

云一國所用比必利反注同疏正義曰此一經明葬時
團徒丸反引音胤率音律 在路尊卑載柩之車及

碑紼之等君葬用輶者諸侯載柩在路而用輶當用輶
車用輶非也四紼二碑者紼有四條碑有二所此諸侯

也天子則六紼四碑御棺用羽葆者雜記云諸侯用匠人
執羽葆以烏羽注於柄末如蓋而御者執之居前以指

麾為節度也大夫葬用輶者言輶非亦當為用輶也二
紼二碑者碑各一孔樹於墻之前後紼各穿之也士葬

用國車者國亦當為輶也二紼無碑者手縣下之比出
宮御棺用功布者比出宮謂柩在宮牆內也功布大功

布也士用大功布為御也大夫用茅自廟至墓士卑御
自廟至大門牆內而止出路便否至墓不復御也隱義

云羽葆功布等其象皆如麾注正義曰鄭引大夫廢輶
此經云葬用輶與檀弓違故云此言輶非也云輶皆當

為載以輶車之輶者謂經云君葬用輶大夫葬用輶此
二輶皆當為載以輶車之輶讀從雜記之文謂君及大

夫皆載以輅車明不以輜也必知非輜者以此文云士葬用國車國字與國字相似因誤耳國與輅聲相類輅則蜃車也在路載柩尊卑同用蜃車故知經云輜者非也輜國皆當為輅云尊卑之差也在棺曰紼者皇氏云天子諸侯以下載柩車者皆用輅也其尊卑之差異在於棺飾耳則前經棺飾是尊卑異也熊氏云尊卑之差謂此經君四紼二碑御棺用羽葆大夫二紼二碑御棺用茅士葬用二紼無碑御棺用功布失鄭注意其說非也云行道曰引至壙將窆又曰紼而設碑是以連言之者此一經所論在道之時未論窆時下棺之節既是在途經當應云引而云紼與碑者其初時在途後遂窆葬因在途連言窆時故云是以連言之至窆時下棺天子則更載以龍輜故遂師注云蜃車柩路也行至壙乃說更復載以龍輜是天子殯用龍輜至壙去蜃車載以龍輜以此約之則諸侯殯以輜葬則用輜明矣若大夫唯朝廟用輜殯則不用輜葬時亦無輜也士則殯不用輜

朝廟得用軼軸若天子元士葬亦用軼軸與大夫異禮有損之而益之也云碑桓楹也者下檀弓云三家視桓楹是僭也則天子用大木為碑謂之豐碑諸侯則樹兩大木為碑謂之桓楹此經君稱二綽二碑故云桓楹也謂每一碑樹兩楹云士言比出宮用功布則出宮而止至擴無矣者以士卑故出宮在路無御柩之物

凡封用綽去碑負引君封以衡大夫士以咸君命毋譁以鼓封大夫命毋哭士哭者相止也注封周禮作窆窆下棺也此封或皆作斂檀弓曰公輸若方小斂般請以機封謂此斂也然則棺之入坎為斂與斂尸相似記時同之耳咸讀為緘凡柩車及擴說載除飾而屬紼於柩

之緘又樹碑於壙之前後以紼繞碑間之鹿盧輓棺而
下之此時棺下窆使輓者皆繫紼而繞要負引舒縱之

備失脫也用紼去碑者謂縱下之時也衡平也人君之
喪又以木橫貫緘耳居旁持而平之又擊鼓為縱舍之

節大夫士旁牽緘而已庶人縣窆不引紼也禮唯天子
葬有隧今齊人謂棺束為緘繩咸或為械音義

封依注
作窆彼

驗反下及注機封同咸依注讀為緘古鹹反母音無下
同譁音華說吐活反輓音晚繞而沿反要一遙反縱子
用反下同舍音捨隧音遂延疏正義曰此一經論尊卑
道也械古咸反一本作緘

疏正義曰此一經論尊卑
下棺之制凡封用紼去

碑負引者封當為窆窆謂下棺下棺之時將綯一頭以繫棺緘又將一頭繞碑間鹿盧所引之人在碑外背碑而立負引者漸漸應鼓聲而下故云用綯去碑負引也君封以衡者諸侯禮大物多棺重恐棺不正下棺之時別以大木為衡貫穿棺束之緘平持而下備傾頓也大夫士以咸者大夫士無衡使人以綯直繫棺束之緘而下於君也君命無諱以鼓封者謂君下棺時命令衆人無得諠譁以擊鼓為窆時縱捨之節每一鼓漸縱綯也大夫命毋哭者大夫早不得擊鼓直命入使無哭耳士哭者相止也者士又早不得施教令直以哭者自相止注正義曰此封或皆作斂者謂禮記餘本此經中封字皆作斂字者鄭以窆有斂義故引檀弓之文斂般請以機窆故云謂此斂也云然則棺之入坎為斂與斂尸相似記時同之耳者以下棺與斂尸相似故作記之時他本同稱斂故下棺亦以為斂也云屬紼於柩之緘者至壙說載除飾之後謂解此蜃車之綯繫於柩之緘束之

繩云又樹碑於壙之前後以紼統碑間之鹿盧輓棺而下之者諸侯四紼二碑前後二紼各統前後二碑之鹿盧其餘兩紼於壙之兩旁人輓之而下其天子則下檀弓注云天子六紼四碑前後各重鹿盧如鄭此注天子紼既有六碑但有四故以前碑後碑各鹿盧每一碑用二紼前後用四紼其餘兩紼繫於兩旁之碑案下檀弓注云諸侯之紼不云前後重鹿盧則諸侯之碑前後不重鹿盧也前碑後碑各用一紼其餘二紼在旁人持而下棺也經云用紼去碑謂前後紼耳其在旁之紼無碑也故前經士二紼無碑也是紼有人持之法不要在碑也案檀弓注云前後重鹿盧唯據天子皇氏云諸侯亦有前後重鹿盧四紼繫於前後二碑旁邊無紼既違鄭注下棺又危其義恐非也云禮唯天子葬有隧者案僖二十五年左傳云晉侯請隧王弗許曰王章也是隧為天子典章諸侯請故知天子有隧也杜元凱注左傳闕地通路曰隧諸侯皆縣柩而下路則輓也故遂師注云

至擴說載除飾更復載以龍輜是載以輜入隧道皇氏云棺從而下遂以納明器其說兼路也云今齊人謂棺束為緘繩者以今人之語證經緘是束棺之物

君松椁大夫柏椁士雜木椁注椁謂周棺者也天子柏椁以端長六尺夫子制於中都使庶人之椁五寸五寸謂端方也此謂尊者用大材卑者用小材耳自天子諸侯卿大夫士庶人六等其椁長自六尺而下其方自五寸而上未聞其差所定也抗木之厚蓋與椁方齊天子五重上公四重諸侯三重大夫再重士一重音義

而上時
掌反抗

苦浪反徐戶剛反疏

正義曰此一經明所用椁木不同君松椁者君諸侯也諸侯用松為

椁材也盧云以松黃腸為椁庾云黃腸松心也大夫柏

椁者以柏為椁不用黃腸下天子也士雜木椁者士卑

不得同君故用雜木也注正義曰天子柏椁以端長六

尺夫子制於中都使庶人之椁五寸五寸謂端方也者

鄭以椁本長短及厚薄無文故引柏椁以端長六尺明

椁材每段長六尺也又庶人厚五寸者欲明椁材每段

厚薄廣狹五寸也故云謂端方也端頭也謂材頭之方

天子長六尺謂尊者用大材庶人方五寸而卑者用小

材云六等其椁長自六尺而下其方自五寸而上未聞

其差所定也者天子既六尺而下未知諸侯卿大夫士

庶人節級之數庶人自五寸而上未知士及大夫卿與

諸侯天子差益之數故云未聞其差所定案檀弓柏椁

以端長六尺注云其方蓋一尺以此差之諸侯方九寸

卿方八寸大夫七寸士六寸庶人五寸雖有此約又無

正文可定云抗木之厚蓋與椁方齊者以椁統四旁抗木在上俱在於外故疑厚薄齊等云天子五重以下者據抗木之數言之故禮器天子五重八翼是也每一重縮二在下衡三在上故既夕注云象天一合地二也

棺椁之間君容祝大夫容壺士容甒注間可以藏物因

以為節音義祝昌六反疏正義曰此一經明棺椁之間

漆桶是諸侯棺椁間所容也若天子棺椁間則差寬大

故司几筵云柏席用萑玄謂柏椁字磨滅之餘椁席藏

中神坐之席是也諸侯棺椁間亦容席故司几筵云柏

席諸侯則紛純稍狹於天子故此云容祝大夫容壺者壺是漏水之器大夫所掌曰士容甒者甒盛酒之器士所用也

君裏椁虞篋大夫不裏椁士不虞篋注裏椁之物虞篋

之文未聞也疏

正義曰盧氏雖有解釋鄭
云未聞今畧盧氏不錄也

禮記注疏卷四十五

禮記注疏卷四十五考證

君無縫○三字為句此注疏讀也熊氏則以君無縫大
夫士六字為句士喪禮君縫不倒賈疏引此文亦以
六字為句

袍必有表不禪衣必有裳謂之一稱○

臣召南

按士喪

禮祿衣鄭注引此記而倒其文云衣必有裳袍必有
表不禪謂之一稱於文義更為明白禪衣亦曰明衣
士喪禮曰明衣不在算注云算數也不在算明禪衣

之不成稱也

大胥是斂注胥當為祝疏并引士喪禮商頌祝主斂○
按頌字衍當云商祝主斂

自小斂以往用夷衾疏士喪禮云云○按輶用夷衾賈
疏云初死輶用大斂之衾以小斂之衾當陳今小斂
後大斂之衾當擬大斂故用覆棺之夷衾以覆尸也
禫而從御吉祭而復寢注○顧炎武曰此二句互言之
也鄭注已明而孔氏乃以吉祭為四特之祭雖禫之

後必待四時之祭訖然後復寢非也禫即吉祭也豈有未復寢而先御婦人者乎

疏杜預以為禫而從御謂從政御職事○臣召南按

杜說異於鄭陳澔謂杜說是然以下文証之鄭說不可易也

君于大夫世婦疏熊氏曰彼謂帑也卿則小斂焉為之賜則未襲而往○臣召南按此文有誤彼謂帑也當

作彼謂大夫也此熊氏解公子益師卒公不與小斂

之意但春秋大夫書卒者皆是卿熊氏亦意為之說

耳

主婦送於門內疏門寢門也婦人迎送不出門故夫人
去於路寢門內而拜送之而不拜迎而拜送之義○

臣名南

按此門是大夫士家之寢門非路寢門也路
字衍而不拜迎而拜送之義當作亦不拜迎而拜送
之義承上文君退主人送於門內拜稽顙也

用雜金錯疏尚書曰貢金三品黃白青色○按書言三

品者黃白赤三色也

熬注所以感虻蟪使不至棺也○按感字當作惑儀禮注可證

飾棺注漢禮翼以木為筐廣三尺○筐字當作匡

齊三采疏絳黃色也○臣名南按既夕齊三采注云齊

居柳之中央若今小車之上韃矣以三采繒為之上朱中白下蒼則此疏云絳黑黃者非也

士葬用國車注輅車柩車也尊卑之差也○臣名南按

注意似言載柩俱用輅車無尊卑之差也因本脫無字故熊氏以尊卑之差也屬下在棺曰綍行道曰引讀然牽強矣不如皇氏一段為直截明白

大夫柏椁○

臣召南

按左傳定元年魏獻子卒於甯范

獻子去其柏椁以其未復命而田也疏曰卿葬於禮用柏椁可為此記之證

禮記注疏卷四十五考證

謹案卷四十五第二頁前一行疏取置絞束之下
刊本束訛東今改

後五行注凡物細則束縛牢急刊本細訛網今改
第四頁前一行注與稅衣纁稱為一是也刊本稅
訛稅據雜記改

後五行注不詘謂舒而不卷也刊本詘訛屈今改
後七行謂五方正色之采刊本監本毛本色訛氣
據宋本改

第七頁後一行疏熊氏分質字屬上殺字屬下為
句諸本脫上殺字屬四字據宋本增

第八頁前八行疏敷於阼階上諸本敷訛簇據宋
本改

第十四頁前六行疏則有變服刊本變訛吊今改
第十五頁後七行疏行吉祭訖諸本行訛祭據宋
本改

第十七頁後二行疏喪既畢刊本畢訛畢今改

後四行疏於大夫士刊本土訛上今改

後六行疏彼訛卿也諸本卿訛帑據宋本改

第十八頁後一行注大奠之禮刊本大訛人今改

第二十頁前六行疏主人送于門外刊本于訛午

今改

第二十一頁前五行疏先入門右者刊本右訛左

今改

第二十二頁前八行疏若或有此諸賓在庭諸本

賓訛侯據宋本改

第二十四頁後三行疏是士無屬不重也刊本土訛上今改

第二十五頁後二行疏言二社二束者刊本言訛君據毛本改

後六行注聲之誤也刊本誤訛設據毛本改

第二十六頁前四行攢置于西序諸本置訛至據

宋本改

第二十八頁後一行疏大夫腊用麋刊本麋訛麋
今改

第二十九頁後七行注綴貝落其上及旁諸本貝
落訛則絡據宋本改

第三十頁前三行注檀弓曰刊本檀訛檀今改
前六行音義惡鳥路反刊本鳥訛鳥今改

後四行疏為容飾刊本容訛谷今改

後五行疏緣荒邊為白黑斧文刊本緣訛綠今改

後八行疏故云纁紐六也諸本脫六字據宋本增
第三十三頁前七行疏為夏翟之色刊本翟訛習
今改

第三十四頁前三行疏諸侯用匠人執羽葆刊本
脫侯字據雜記增

後五行疏縉而設碑刊本而訛面今改

第三十六頁後五行疏其在旁之縉無碑也刊本
在訛有今改

第三十七頁前七行注抗木之厚刊本木訛水今
改



覆校官編修臣張秉愚

校對官庶吉士臣閔懋大

謄錄監生臣吳申嵐